

Hebrews

Vit'eegwiyahchy'aa, Didinji' K'iighai' Diits'a' Ginkhii

1 ¹ Vit'eegwiyahchy'aa Eenjit Ginkhii naji k'iighai', yeena da'i gwats'an Vit'eegwiyahchy'aa gwinleji nihlehjuk diilak naji ts'a' ginkhe'. ² Gaa juk Khaiinkoo Drin zhit Gwidinji' zhit diits'a' ginkhe'. Aji Vit'eegwiyahchy'aa vidinji' k'iighai' jii nankat ts'a' zheekat datthak gwiitsaji, ndaagwaa'a'i' ji' jii jidii datthak vats'an yiheelyaa t'inchy'aa. ³ Aji't'ee Vit'eegwiyahchy'aa vich'eegwahndit haa nint'aii ts'a' ch'ahndit nilii ts'a' Vit'eegwiyahchy'aa haa nihihk'it t'igiichy'aa, ts'a' jidii datthak diginjik nint'aii haa khaihan nihloonta' gwiitsaji. Jidii nankat gwidinji' naji datthak gootr'agwaanduu oo'an gweheelyaa geenjit datthak gwinzii gwiitsaji ts'a' zheekat gwizhit Vit'eegwiyahchy'aa vishriits'aji dhidii ts'a' nijuk datthak ts'a' jidii datthak gwats'a' k'eegwaadhat yiitsaji t'inchy'aa.

Vit'eegwiyahchy'aa, Vidinji', Zheekat Gwich'in Andaa Jiintsii T'inchy'aa

⁴ Vit'eegwiyahchy'aa Vidinji', aji't'ee zheekat gwich'in naji andaa veegoo'aii ts'a' gwik'it Vit'eegwiyahchy'aa ch'oozhri' goovandaa jiintsii aji yant'eiin'aji. ⁵ Vit'eegwiyahchy'aa ch'ihlok gaa zheekat gwich'in naji, jii deenya, aji gwik'it t'agavahnyaa kwaa.

“Shidinji' inlii t'oonchy'aa,
juk drin it'ee niti' dhiidlit.”

Vit'eegwiyahchy'aa, jii deenya, ch'ihlok gaa zheekat gwich'in naji jyaa dahnyaa kwaa.

“Shii t'ee viti' hihlyaa ts'a' shidinji' heelyaa, t'inchy'aa.”

Ajits'a' chan Vit'eegwijyahchy'aa, jii deenyaq, ch'ihlok
gaa zheekat gwich'in najj jyaa dahnyaq kwaa. ⁶Gaa
Vit'eegwijyahchy'aa tr'ookit Didinji' dzaa nankat gwats'a'
nahahchyaa daj' jyaa nyaq,

“Vit'eegwijyahchy'aa vizheekat gwich'in najj datthak giits'a'
khadigiheejyaa ts'a' nikiigwagwahah'aa gwizhrjh,”
nyaq. ⁷Gaa Vit'eegwijyahchy'aa ajj zheekat gwich'in najj eenjit jii
jyaa nyaq,

“Vit'eegwijyahchy'aa dizheekat gwich'in najj ahtr'aii nint'aii
k'it t'igiinchy'aa gaviltsajj
ts'a' ajj najj chan kwankyaa k'it t'igiinchy'aa gaviltsajj.”

⁸Googaa Didinji' eenjit, Vit'eegwijyahchy'aa jii jyaa nyaq,
“Vit'eegwijyahchy'aa, Neegwini'ee gwizhit khith ts'a' khith
geenjith
hi'deegwidlii haa nigii najj ts'a' k'eedeegwahaandhat
t'oonchy'aa.

⁹Jidii gwiizuu ajj datthak gitr'iin'ee,
ts'a' jidii gwinzii datthak chan geet'iindhan,
izhit geh'an Vit'eegwijyahchy'aa,
ajj Nivit'eegwijyahchy'aa ihlii gwhitee tr'anaqahchijj,
ajits'a' shoh gwanlii gwihil'ee jiintsii nant'eegwiin'ajj.
Ajj juu naa neehiidal najj andaa gwihil'ee jiintsii
nant'eegwiinlii t'inchy'aa.”

¹⁰Ajits'a' chan jyaa yahnyaq,
“K'eegwaadhat, tr'ookit daj' gwats'an nan jii nankat datthak
goohtsajj,
ajits'a' nanli' haa zheekat datthak chan goohtsajj.

¹¹Datthak gwihiljii nagwahaadhal,
gaa nan ajj nihk'it dzaa t'ihiiinchy'aa,
gwach'aa ch'aa vit'eerahchy'aa kwaa k'it an gweheelyaa.

¹²Ch'adak ik ch'aa k'it gwinzii laadahaanchyaa
ajits'a' gwach'aa k'eejit nanaazhii k'it jidii datthak k'eejit
neehahtsyaa,
gaa nan ajj duuyeh ch'ijuk t'iinjii,
gweedhaa datthak jyaa gwizhrjh t'ihiiinchy'aa,
ts'a' khith gwandaii hiinlyaa.”

¹³Vit'eegwijyahchy'aa, ch'ihlok gaa dizheekat gwich'in najj jyaa
dahnyaq kwaa,

“Dahthee juu nitr'ii'ee najj,
 diikwai' vakat dirildlii,
 aji k'ih nakwai' t'eh nagavahih'yaa gwats'a' datthak
 dzaa shishriits'aji gwihil'ee dhindii,”

iyaa nyaq.

¹⁴Zheekat gwich'in najj juu t'igiinchy'aa? Zheekat ch'ankey'aa ginlii ts'a' Vit'eegwijyahchy'aa deenyaq datthak gwik'eegwagwahthat t'igiinchy'aa ajits'a' juu neehezhi najj ts'igiheeniyaa goo'aii geh'an Vit'eegwijyahchy'aa goots'a' goohil'ee t'iginchy'aa.

Neerehezhi ajit'ee Jiintsii

2 ¹Jyachts'a' geh'an jidii tr'iith'ak aji hi'deegwidlii, aji lahchy'aa gwint'aii tr'ooheenta' gwizrhigoo'aii t'oonchy'aa. Diigwik'injigwiighit akharooheeniyaa kwaa geenjit. ²Zheekat gwich'in Moses va-law yeenii diilak najj ant'eegwiin'aji t'ee hi'deegwidlii gwigweech'in, ts'a' dinjii najj deegihee'yaa goo'aii gwik'it t'igii'in kwaa ts'a' yik'eegwahthat kwaa najj t'ee nats'aa khaiinjich'igiheeghit gwik'it khaiinjich'agoorilthat t'igiinchy'aa. ³Nats'aa gwik'iighai' khaiinjich'iriighit gwats'an tr'ineereheeda aji neerehezhi gwadraji gwatsal gaa ninjich'aradhat kwaa ji'? Aji K'eegwaadhat Jesus adan tr'ookit it'ee neerehezhi jiintsii geegiinkhe', ajits'a' juu zhat dai' yith'ak najj datthak diits'a' hi'deegwidlii gwigwigweekji. ⁴Aji iyaa digwii'in gwiizhik Vit'eegwijyahchy'aa chan gwigwii'in ts'a' nindal gwaahchy'aa nihlehjuk t'iichy'aa kwaii datthak haa gwigweech'in gwahtsii, ajits'a' Ch'ankey'aa Shroodiinyaq k'iighai' vit'eegwahahchy'aa eenjit nats'aa nihlehjuk gwitr'it t'agwagwahah'yaa goovant'eiinlii.

Juu Neerehezhi gwats'a' Diinehee'aa

⁵Aji nankat k'eejit neegweheelyaa gwinyaq ts'a' geegarinkhii, ajit'ee Vit'eegwijyahchy'aa dizheekat gwich'in aji k'eegwagwahahthat geenjit zhat nagoovinlii kwaa. ⁶Gaa, Degtly'aa Choh zhit gwa'an iyaa digwinyaq,

“Vit'eegwijyahchy'aa jiintsii jaghaii jii nankat gwidinjii najj
 gooninjich'ahthat?

Jaghaii gook'aahtii?

⁷Ch'ihlee gwatsal zheekat gwich'in najj andaa gwintsal gihil'ee kwaa goovołtsaji,

ts'á' ch'eegwáhandit ts'á' gwihil'ee haa ch'ih'tee goots'an
dhahtsáii,

8 ts'á' jidii datthak ts'á' k'eedeegwahaadhat gooviltsáii.”

Vit'eegwijyahchy'aa datthak gwats'á' k'eedeegwagwahaadhat
gooviltsáii gwinyaa, áii't'ee jidii datthak t'arahnyaa. Gaa,
juk gweendaa dzaa nankat gwidinjii jidii datthak gwats'á'
k'eedeegwaadhat gwaraah'in kwaa. ⁹Gaa Jesus, áii zheekat
gwich'in náii andaa gwintsal hil'ee tr'iltsáii, áii gwigweech'in
gwaraah'in, jyáhts'á' gwik'iighai' Vit'eegwijyahchy'aa
vich'eegoonzhrii zhit juu náii datthak eenjit niindhat, ts'á'
khaiinjich'ahohthat ts'á' niindhat geh'an juk gwihil'ee ts'á'
ch'eegwáhandit vant'leeriin'áii, gwaraah'in. ¹⁰Vit'eegwijyahchy'aa
jidii datthak gwiltsáii ts'á' nih'loontá' iltsáii geh'an, Jesus
khaiinjich'aheeghit k'iighai', gweheezyaa gwiltsáii, digii lejii
náii ts'an dich'eegwáhandit lat goots'an iltsáii ts'á' Jesus t'ee
neereheezhii gwats'á' diineelyaa t'inchy'aa.

¹¹Áii haa it'ee Jesus dzaa nankat gwidinjii náii tr'agwaanduu
gwats'an shroodiinyaá gooviltsáii, ts'á' adan ts'á' geedan haa
datthak shroodiinyaá ginlii ts'á' Vit'eegwijyahchy'aa gooti' nilii.
Izhik geh'an Jesus shizhehk'aa gwich'in qh'lii gavahnyaa ts'á'
goo'oozhii ah'lii kwaa t'inchy'aa. ¹²Vit'eegwijyahchy'aa jyaa
dahnyaa,

“Shizhehk'aa náii deenizhit datthak gavaa gwahaldak
t'oonchy'aa nyaá
ts'á' nijin khaih'lan nineegiidal dá' gootee gwats'an naha'aa
t'oonchy'aa!” yahnyaa.

¹³Jii chan jyaa nyaá,

“Vit'eegwijyahchy'aa áii vit'injihaa'chy'aa.”

Áiits'á' jii chan jyaa nyaá,

“Áii tr'iinin Vit'eegwijyahchy'aa shant'inlii náii haa datthak
dzaa gavaa t'ihchy'aa.”

¹⁴Jii tr'iinin shigii gooveegirinkhii náii dzaa nankat gwats'an
geedaa ts'á' goodaa ts'á' gootthá' haa gwanlii, Jesus, adan t'ee gook'it
t'inchy'aa ts'á' dzaa nankat gwidinjii dhidlit. Niindhat gwik'iighai'
Ch'an'ky'aa Tr'aanduu an hahtsyaa, Tr'aanduu áii't'ee ch'ich'í' ts'á'
k'eedeegwaadhat. ¹⁵Ts'á' jyáhts'á' gwik'iighai' juu tr'agwaanduu
goots'á' k'eedeegwaadhat náii gwats'an tr'iinlii, ch'ich'í' aga'anjat
geh'an. ¹⁶Áiits'á' t'ee zheekat gwich'in náii Jesus goots'ihenjyaa

geenjit dzaa gwats'a' haazhii t'ii'in kwaa gwizhr̄h gwigweech'in, gaa Abraham ts'an deedhaa nāj̄j̄ ts'iheenjyaa āj̄j̄ geenjit dzaa gwats'a' haazhii t'ii'in. ¹⁷Dzaa nankat dinjii nāj̄j̄ k'it yiłtsāj̄j̄ ts'a' nats'ahts'a' datthak diik'it yiłtsāj̄j̄, gwinyāa, jyahts'a' gwik'iighai' gooveenjit hi'deegwidlii vit'injiraahchy'aa heelyaa ts'a' neeshraahchy'aa chan heeghyaa gwizhit ndak khii giinkh̄ih choh, āj̄j̄ nilii gwizhik Vit'eegwijyāhchy'aa eenjit tr'agwahaah'yaa, jyahts'a' gwik'iighai' chan dinjii nāj̄j̄ atr'agwaanduu oo'an gwahaadlii geenjit t'iizhik. ¹⁸Āj̄j̄j̄ts'a' t'ee zhit juu juk tr'agwaanduu t'asho'ya' niindhan nāj̄j̄ ts'iheenjyaa jyaa digihee'yaa kwaa geenjit adan t'ee tsinteetr'eelkaii ts'a' khaiinjich'akhwadhat, dzaa nankat k'eekhwazhii dāj̄j̄'.

Jesus, It'ee Moses Andaa Gwiintsii Veegoo'aii

3 ¹Shijyaa gwik'injiighit zhit nāj̄j̄, nakhwan t'ee Vit'eegwijyāhchy'aa gwiteetr'anakhweiinlii, jii Jesus eenjit hi'deegwidlii kwaii vininjich'ohthat, āj̄j̄ gwik'injigwiighit eegariinkhii āj̄j̄ vit'injiraahchy'aa Vit'eegwijyāhchy'aa, ndak khii giinkh̄ih choh eenjit yiłtsāj̄j̄. ²Vit'eegwijyāhchy'aa doo'ya' yuunyāa datthak gwik'it t'ee'ya' āj̄j̄ gwitee tr'iiyahch̄j̄j̄ t'inchy'aa yeenjit gwitr'it t'agwahah'yaa geenjit, Moses, Vit'eegwijyāhchy'aa vizheh datthak gwizhit hi'deegwidlii haa gwitr'it t'agwah'ya' āj̄j̄ gwik'it t'iiyinlik t'inchy'aa. ³Dinjii juu zheh gwiłtsāj̄j̄ āj̄j̄t'ee āj̄j̄ zheh andaa veegoo'aii t'inchy'aa. Āj̄j̄ gwik'it dinjii nāj̄j̄ Jesus, Moses andaa gahah'aa. ⁴Zheh kwaii datthak dinjii ch'ihlee gwiłtsāj̄j̄ gaa Vit'eegwijyāhchy'aa jidii datthak gwiłtsāj̄j̄ t'inchy'aa. ⁵Moses, it'ee Vit'eegwijyāhchy'aa vizheh gwizhit yitsyaa k'it doo'ya' yuunyāa datthak gwik'it t'ee'ya' ts'a' yeendaa ji' Vit'eegwijyāhchy'aa āj̄j̄ deeheenjyaa āj̄j̄ geeginkhe' t'inchy'aa. ⁶Gaa Christ, Gwidinj̄j̄' nilii ts'a' Vit'eegwijyāhchy'aa vizheh gwats'a' k'eedeegwadhat geh'an adan vit'injarahahchy'aa. Yeendaa ji' vit'injarahahchy'aa vaagwiindaii haa vizheh tr'iinlii k'it t'oonchy'aa ts'a' gweedhaa datthak diit'aii gwarah'ii t'oonchy'aa.

Vit'eegwijyāhchy'aa Vigii Nāj̄j̄ Neegahaazhii Geenjit

⁷Āj̄j̄ geh'an Ch'an̄ky'aa Shroodiinyāa jyaa nyāa,

“Juk drin Vit'eegwijyāhchy'aa viginjik dohtth'ak ji',

⁸ yeenii nakhwalak nāj̄j̄ Vit'eegwijyāhchy'aa jyaa dakhwa'ya' shr̄q' goovahnyāa gaa nihk'it gwik'it t'igii'in nāj̄j̄ k'it nakhwaki' tth'an dach'at shr̄q'!

Nijin drin nangwinjir gwa'an Vit'eegwijyahchy'aa zhyaa
shroondaii deehee'yaa li' giindhan haa gwik'it t'igee'ya' daj'.

9 Izhit zhat daj' deehee'yaa li' shagoonyaa haa shik'eegagoonjik,
40 years datthak deeshi'ya' shagaah'in gaa nihk'it.

10 Ajjits'a' aji Israel gwich'in naji goots'a' shik'iji gwanlii ts'a' jyaa
gavahnyaa,
'Gweedhaa datthak shik'eegwagwahthat kwaa
ts'a' nats'aa dinjii gooli' gavoinyaa gwik'it chan dinjii ginlii
kwaa.'

11 Shik'iji gwanlii ts'a' jii hi'deegwidlii haa gwik'it gweheelyaa
kwaa, dihny'a',
'Nijin nankat neegahaazhii gooveenjit gootsaji chy'ah,
aizhit gwizhit nihdeegiheedaa kwaa!' dihnyaa!''

12 Shachaa naji, nakhwadrii zhit tr'agwaanduu gwizhrih
ninjich'ahohthat ts'a' zhit gwik'injohkhit kwaa haa
Vit'eegwijyahchy'aa Khit Gwandaii Nili aji vits'i' hihts'eedahoo'ee
aji gwits'i' adak'oqontii. 13 Gaa nakhwatee ch'ihlak gaa Satan
nakhwaninjigwaazhii haa tr'agwaanduu nakhwagwitr'it
gwanlii gohtsyaa shrq', ts'a' nakhwaki' tth'an dach'at haa
Vit'eegwijyahchy'aa vik'eegohthat kwaa ohli' shrq'! Datthak ts'a'
drin gwhiteegwaanchy'aa nihlits'ohnyaa, tth'aii hee, "Juk drin"
Dhtly'aa Choh zhit diits'a' danakhwat'oo aji tth'aii gwarandaii
t'igwinyaa. 14 Datthak ts'a' Christ vaa khaihlak tr'iinlii ts'a' vaa
gwitr'it t'agwarah'in, tr'ookit daj' gwats'an, aji gwik'injiriighit
tr'ii'iji haa ndaagwahaan'aji gwats'a' datthak gwaroontaj' ji'
gweheezyaa.

15 Jii t'ee Dhtly'aa Choh zhit jyaa digwinyaa,
'Juk drin Vit'eegwijyahchy'aa viginjik dohtth'ak ji'
yeenii nakhwatsiji naji k'it nakhwakiitth'an dach'at shrq',
jyaa digii'in nijin Vit'eegwijyahchy'aa doo'ya' goovoonyaa
gaa gwik'it t'igii'in kwaa daj'.'

16 Juu dee Vit'eegwijyahchy'aa viginjik diitth'ak gaa doo'ya'
yuunya gwik'it t'ii'in kwaa? Zhit juu Egypt gwats'an Moses
tr'agoovinlii naji t'arahnyaa. 17 40 years gahkhyuk datthak
Vit'eegwijyahchy'aa juu naji ts'a' vik'iji gwanlii? Zhit juu
tr'agwaanduu googwitr'it gwanlii geh'an nangwinjir gwa'an
niinjik naji reh. 18 Nijin Vit'eegwijyahchy'aa hi'deegwidlii haa jyaa
dishi'ya nyaa gwik'it t'ihnee'yaa t'inya, "Nijin nankat gwizhit

neehoozhii nakhwaihnyaa aji nakhwant'leegwiin'aji chy'ah, aji zhit gwizhit nihdeehohdaa kwaa!" gavaainya', jya nyaa dai' juu naji ts'a' ginkhii t'inyaa? Aji juu zhat dai' Vit'eegwijyahchy'aa doo'ya' goovoonyaa aji gwik'it t'igii'in kwaa naji t'ahnyaa. ¹⁹Ajits'a' it'ee deegwii'in aji gwaraah'in, gwik'injigiighit kwaa geh'an aji nankat gwizhit neegaahaazhii goovahnyaa aji khyu' nihdeegijyaa.

4 ¹It'ee Vit'eegwijyahchy'aa neerahaazhii diits'an hahtsyaa nyaa aji gwik'it t'ih'e'yaa t'inyaa. Ajits'a' datthak adak'arooni', diitee ch'ihlak gaa zhat gwahah'yaa kwaa gweheelyaa geenjit. ²Diikhwan t'ee aji Gwandak Nizii giitth'ak gwik'it tr'iitth'ak. Gwandak Nizii giitth'ak gaa nik'it goovaa gwiizyu, nijin aji ginjik giitth'ak dai', gwik'injigiighit haa gwagoonjii kwaa geh'an. ³Diikhwan gwik'injiriighit naji nijin neerahaazhii Vit'eegwijyahchy'aa diinant'leegwehee'aa. Jii jya digweheenjyaa nyaa aji gwik'it goodlit,

“Shik'ii gwanlii ts'a' jii hi'deegwidlii haa gwik'it gweheelyaa kwaa, dihnya',

‘Nijin nankat neegaahaazhii gooveenjit gootsaji chy'ah, aiizhit gwizhit nihdeegiheeda kwaa!’”

Nijin nan iltsaji dai' digwitr'it gehdaa tr'iinjik googaa nihk'it jya diinya'. ⁴Dehtly'aa Choh zhit gwa'an Neegwaazhii Drin jii t'ee jya digwinyaa, “Vit'eegwijyahchy'aa drin 7 nigwiindhat gwizhit digwitr'it datthak gwats'an naazhii.” ⁵Dehtly'aa Choh zhit gwa'an chan jya digwinyaa, “Duuyeh gwik'it nijin nan aji goovant'eiin'aji chy'aa aji gwizhit neegaahaazhii geenjit nihdeegijyaa.” ⁶Zhit Israel naji tr'ookit Gwandak Nizii diitth'ak naji neegaahaazhii geenjit goovant'leegwariin'aji gaa gwik'it t'igiizhit kwaa, gwik'injigiighit kwaa geh'an. Gaa juk ch'izhii naji ant'leegwiriin'aji, geedan gogohoondal geenjit. ⁷Jii t'ee hi'deegwidlii gwanlii ts'a' gwizhrh gwigweech'in goodlit, Vit'eegwijyahchy'aa ch'izhii drin neeraazhii nineegwin'aji, ts'a', “Juk drin” goozhii, niighyuk gwahaadhat t'ee gohju' hee King David geeginkhe' gwiltsaji ajits'a' Dehtly'aa Choh zhit gwadanakhwat'oo,

“Juk drin Vit'eegwijyahchy'aa videezhuh dohtth'ak ji', nakhwaki' dach'at gooli' shrq!”

⁸Joshua, Israel naji Vit'eegwijyahchy'aa neegaahaazhii goovant'eiin'aji gwik'it t'iizhik ji', Vit'eegwijyahchy'aa duuyeh

ch'izhii drin gēhdaa gwandaa geeginkhii t'oonchy'aa. ⁹Ajits'a' Vit'eegwijyahchy'aa vigii najj eenjit tth'aii hee neerahaazhii goo'aii, Vit'eegwijyahchy'aa drin 7 gwizhit naazhii ajj gwik'it t'igwehee'yaa. ¹⁰Ajj juu neegahaazhii goots'an dhidlit najj Vit'eegwijyahchy'aa deehee'yaa nyaq gwik'it t'ihee'yaa geenjit digwigwitr'it ts'an neegahaazhii, Vit'eegwijyahchy'aa digwitr'it gwats'an naazhii gwik'it. ¹¹Ajits'a', ajj neerahaazhii tr'ooheendal geenjit gwint'aii gwitr'it t'agwaroh'ya', nangwinjir gwa'an Israel najj deegiizhik gwik'it diitee ch'ihlee gaa gwik'injigwiighit gi'ii kwaa geh'an neegahaazhii nihdeegiheedaa kwaa.

¹²Vit'eegwijyahchy'aa viginjik ajit'ee gwandaii nilii ts'a' k'eegwiichy'aa datthak yaa t'ii'in shrii choh veek'i' neekwaii gwanlii jinin k'it t'inchy'aa. Ajj nijin diizhin ts'a' diinanky'aa haa nihlaa t'inchy'aa, ajj zhit gwats'an nijin ch'izhee ts'a' diitth'an haa nihloon'ee ajj zhit gwats'a' datthak gwit'ii k'it t'oonchy'aa. Jyahts'a' gwik'iighai' nats'ahts'a' diidrii zhit ninjich'aradhat ts'a' gwiizuu akwat gwinzii ajj geenjit deegwiindhan ajj kwaii datthak gaandaii geenjit diinoohakhat t'inchy'aa. ¹³Jidii gwiltsajj datthak vaa gwizhrjh nagwaanajj ts'a' Vit'eegwijyahchy'aa vandee ts'a' goodlii ts'a' adan t'ee dzaa nankat deegwee'ya' vagwarahaandak t'inchy'aa.

Jesus, Ndak Khii Giinkhii Choh Nilii

¹⁴Ajits'a' ndak khii giinkhii choh tr'ii'ii, ajj nijin Vit'eegwijyahchy'aa t'inchy'aa gwats'a' haazhii geh'an jii gwik'injigwiighit eegwaraandak ajj gwint'aii tr'oont'a'. Ajit'ee Jesus Vit'eegwijyahchy'aa vidinji' t'inchy'aa. ¹⁵Ndak khii diigiinkhii choh, diit'aii kwaa gaandaii geenjit neeshraahchy'aa diinoonyaa ts'a', adan gaa tr'agwaanduu t'ihee'yaa geenjit nihlehjuk datthak vik'eegaroonjik gaa nihk'it tr'agwaanduu t'ee'ya' kwaa. ¹⁶Ajits'a' tr'aanjat kwaa haa Vit'eegwijyahchy'aa ch'einzhrrii k'eegwaadhat ts'a' yakat doodii vats'a' tr'iheedaa, izhit ch'eegoonzhrrii ts'a' neeshraahchy'aa diinahoonyaa haa nijin gwit'eegwaahchy'aa daj' diits'iheenyyaa.

5 ¹Juu ndak khii giinkhii gahtsii daj' giinkhii najj gwitee tr'agoogahchik ts'a' gooveenjit Vit'eegwijyahchy'aa haa tr'agwagwahaah'yaa geenjit zhat nagoogahchik, ajj ndak khii giinkhii gahtsik ajit'ee gooveenjit Vit'eegwijyahchy'aa ts'a' gootr'agwaanduu geenjit nin kwaii akwat gwanzhjh chan

giiyint'eech'ahchak gwagwahtsii. ²Ajji ndak khii giinkhih, adan gaa dinjii diik'it t'inchy'aa ts'a' nihlehjuk datthak geenjit vat'aii gwanlii kwaa ts'a' zhit juu gwiizqu t'ii'in gaandaii kwaa naji ts'a' zhit juu gwiizqu vigwitr'it gwanlii naji gaa datthak khai'gwidlii ts'a' gook'eehaandak gwiizhit neeshraahchy'aa gavoonyaa t'inchy'aa. ³Ajits'a' adan gaa vat'aii gwanlii kwaa geh'an vatr'agwaanduu gwanlii, ajji datr'agwaanduu geenjit gwizhr̄ih kwaa gaa Israel gwich'in naji gootr'agwaanduu geenjit chan gwant'eech'ahahchaa goo'aii. ⁴Duuyeh dinjii adakhai' ndak khii giinkhih hil'ee adaatsii, Vit'eegwijyahchy'aa zhrih, dinjii ndak khii giinkhih choh ahtsii ajji gwik'it it'ee giinkhih Aaron t'inlik. ⁵Ajji gwik'it chan Christ adakhai' ndak khii giinkhih hil'ee ideeltsajji kwaa. Gaa Vit'eegwijyahchy'aa jyaa yahnyaa,

“Shidinji' inlii,
juk drin Niti' dhiidlit.”

⁶Ajits'a' ch'adhan gwa'an chan Vit'eegwijyahchy'aa jii

Dəhtly'aa Choh zhit jyaa nyaa,

“Melchizedek giinkhih iinli' k'it,
ndaagwaa'aji' kwaa gwats'a' datthak giinkhih hinlyaa,”

yahnyaa.

⁷Dzaa nankat gwiindaii daji' gwint'aii azhral ts'a' vandee chuqu gwiizhit jidii niindhan kwaii geenjit Vit'eegwijyahchy'aa ts'a' khagidiinjii. Vit'eegwijyahchy'aa zhrih niheedhaa gwats'an gwideetaa yahahchyaa gaandaii, khazhak nilii ts'a' Vit'eegwijyahchy'aa deeyahnyaa datthak yik'eegwahahtat geh'an Vit'eegwijyahchy'aa yitth'ak. ⁸Vit'eegwijyahchy'aa Vidinji' nilii gaa nihk'it, khaiinjich'ohoodhat gwik'iighai' yik'eegwahahtat geenjit geeroohtin. ⁹Nijin Jesus deehee'yaa goo'aii gwik'it t'iizhik daji', juu yik'eegwahahtat naji yik'iighai' neegeheezhii ndaagwaa'aji' kwaa gwiitsajji. ¹⁰Giinkhih Melchizedek ajji vats'an deiindhaa k'it t'oonchy'aa, giinkhih heelyaa ts'a' Vit'eegwijyahchy'aa ndak khii giinkhih yiitsajji.

Nakhwagwik'injigwiighit Akhohnya' Shro'

¹¹Tth'aii hee gwinleji jii geenjit t'igweheenjyaa goo'aii gaa nakhwaa gwaraandak geenjit gwagwantrii, gwinzii gohtth'ak kwaa ts'a' deegwinyaa gaakhwandaii kwaa geh'an. ¹²Juk gweendaa it'ee geech'qaqhtan qhli', gaa Vit'eegwijyahchy'aa tr'ookit viginjik

geenakhwarahtan tth'aii hee agoo'e'. Juk gweendaa nilii khoh'aa goo'aii t'oonchy'aa gwizhit tth'aii hee ch'ohma' ts'á' dink'ohkhit kwaa k'it t'ohchy'aa. ¹³Tr'iiinin tsal k'it t'igii'in geh'an zhit juu ch'ahma' nájí gwinzii akwat gwiizúú t'igii'in tth'aii hee gaagiindaii kwaa. ¹⁴Aííts'á' zhit juu nilii a'aa t'ee dinjii dink'iindhat nájí eenjit t'oonchy'aa, juu googwaa'ee ts'á' geedoodaantan haa t'ee gwinzii ts'á' tr'agwaanduu gaagiindaii.

6 ¹Aííts'á' juk gwandaa k'iindaa tr'ineeroojyaa, ajiit'ée ch'anjaa gooltin k'it t'igweheechy'aa ts'á' diikhwan t'ee geech'arohahchyaa, ajiits'á' juk zhyaa k'ii'an diigwitr'it gwanlii aji khit sheenjit ganaandee gweheenjyaa ts'á' geegireheehkhyaa kwaa ts'á' nijin tr'ookit Vit'eegwijyahchy'aa vik'injiriighit chy'aa aji gwik'it t'igweheechy'aa. ²Jii kwaii geenjit geech'arahtan, chuú gwats'an tr'ahtsii diinanli' haa gook'aa naraandak, niindhat ts'á' needhikhin, ts'á' khaiinkqo drin zhit ji' ch'arohahkat eenjit geech'oorahntan. ³Jii datthak ehdaa tr'aroojyaa, ts'á' Vit'eegwijyahchy'aa gwik'it t'iindhan ji', gwik'it t'igweheenjyaa.

⁴Aííts'á' zhit juu gwik'injiighit gwats'an fihts'eedaa'ee nájí nats'ahts'á' chan hee shatr'agwaanduu kwaa giheenjyaa? Vit'eegwijyahchy'aa viginjik fi'didlii gaagwiindaii, ts'á' Vit'eegwijyahchy'aa chan goots'á' ch'eiinzhrii ts'á' ch'izhii gwik'injiighit nájí k'it Ch'aniky'aa Shroodiinyaa goots'an dhidlit t'oonchy'aa. ⁵Yeenaa gwats'an Vit'eegwijyahchy'aa viginjik nizii chan gaagiindaii, ajiits'á' chan K'eegwaadhat Veegwinii'ee gwat'aii gwanlii chan gaagiindaii. ⁶Ajiit'ée chan gwik'injigiighit akhagagoonjik! Jyaa diginjik daí' tr'agwaanduu ts'an fihts'eedagahaa'ee gwakwaa. Chan hee Vit'eegwijyahchy'aa Vidinji' Cross kat gagiitsak k'it t'oonchy'aa ts'á' dinjii nájí andah oozhii vats'an tr'ahtsii k'it t'oonchy'aa geh'an.

⁷Dzaa nankat ahtsin daí' gwanzhíh k'aqhtii nájí eenjit gwinzii gwahaqahshii geenjit Vit'eegwijyahchy'aa ahtsin gwahtsii. Ajiits'á' gwanzhíh vit'eegwaahchy'aa vakat haahshii. ⁸Gaa khoh ts'á' t'oo li' iizúú haa niishii ji' zhyaa ginilih kwaa heelyaa, ts'á' duulee Vit'eegwijyahchy'aa iizúú yahaanjyaa ts'á' kq' zhit heek'an ts'á' an heelyaa.

⁹Dijyaa veet'igwiindhan nájí, jii jyahts'á' nakhwats'á' girinkhii gaa nakhweenjit gwinzii gaagwiindaii. Neekhwazhii geenjit nakhweenjit gwinzii t'igwii'in. ¹⁰Vit'eegwijyahchy'aa khit ts'á'

gwinzii t'ii'in ts'á' ch'ihłok gaa gwiizųų t'ii'in kwaa. Jidii gwitr'it veenjit t'akhwa'ya', duuyeh ganaandee ts'á' ch'eet'igwiniindhan haa juu gwik'injiighit nąjį ts'ohnyaa ts'á' tth'aii hee gwik'it t'akhwa'in ąjį chan duuyeh nakhweenjit ganaandee t'inchy'aa. ¹¹ Deegwąhkhuyuk gąhdaii datthak ch'izhii nąjį eenjit ch'eet'igwiniindhan akhwa'į' nakhwaroonyąą, ąjį gwik'iighai' yeendaa ji' jidii nakhwant'ęegwaroo'aa nothnan ąjį gwik'it gweheelyaa geenjit. ¹² Tr'agoodiinjik ąhłį' shro' nakhwaroonyąą gaa zhit juu gwik'injiighit nąjį ts'á' khai'gwidlii nagool'in nąjį k'it t'ohchy'aa ąjį ji' Vit'ęegwiyąhchy'aa jidii nakhwant'ęeheelyaa nyąą ąjį nakhwats'an hahtsyaa t'oonchy'aa.

**Vit'ęegwiyąhchy'aa Deehee'yaa Nyąą
Łyaa Gwik'it T'ihęe'yaa Gwizhrih**

¹³ Nijin Vit'ęegwiyąhchy'aa Abraham neenjit jyaa dishi'yaa ahnyąą ąjį', deehee'yaa nyąą ąjį łyaa gwik'it t'ihęe'yaa t'inyąą. Vandaa jiintsii ch'ihłak gaa gwanlii kwaa geh'an doozhri' t'aahchy'aa haa deehee'yaa nyąą ąjį gwik'it t'ishi'yaa nyąą, t'inchy'aa. ¹⁴ "Jidii datthak zhit gwinzii nats'á' t'ishi'yaa ts'á' nats'an deedhaa ęjį gweheelyaa gwahałtsyaa," yahnyąą. ¹⁵ Abraham ąjį jyaa dishi'yaa ahnyąą ts'á' Abraham khai'gwidlii nagwal'in. ąjį gwik'iighai' Vit'ęegwiyąhchy'aa jidii nant'ęehih'aa yahnyąą yant'ęiin'ąjį t'inchy'aa. ¹⁶ Nijin jyaa shi'yaa gwinyąą ąjį gwik'it t'igwii'in ąjį' juu voozhri' diinandaa jiintsii t'ęegwaahchy'aa ts'á' deeshi'yaa nyąą ąjį dinjii nąjį ts'á' adan haa gwinzii gwilik t'oonchy'aa. ¹⁷ Vit'ęegwiyąhchy'aa deeshi'yaa nyąą ąjį gwik'it t'ihęe'yaa ąjį juu ant'ęeyehee'aa nąjį gwinzii gaagoondaii goovoonyąą, ts'á' duuyeh gooveenjit deeshi'yaa nyąą ąjį akhagoonyąą t'inchy'aa. ¹⁸ Jii ginjik neekwaii duuyeh ch'įjuk t'iinjii ts'á' duuyeh Vit'ęegwiyąhchy'aa deehee'yaa nyąą gwik'it t'ihęe'yaa akwat doozhri' zhit deehenjyaa nyąą gwik'it t'ihęe'yaa geenjit oots'it t'inchy'aa. ąjį haa deehee'yaa nyąą ąjį gwik'it t'ihęe'aa ąjį haa diik'aahtii vaagwiindaii yeendaa ji' diinant'ęeyehee'yaa gwint'aii gwaroontą' t'oonchy'aa. ¹⁹ Jii deeshi'yaa nyąą ąjį gwik'it t'ihęe'yaa vaagwiindaii ąjį diidrii zhit gwiri'ąjį. ąjį diineenjit deehee'yaa nyąą gwik'it t'ihęe'yaa t'ęe Jesus t'inchy'aa ts'á' Kharigidiinjii Zheh gwizhit ji' gwaa'ai' gwihil'ęe goo'aii gwizhit gwach'aa gindeiinvyaa ąjį ankeegijyaa

t'inchy'aa. ²⁰Ajít'ee Jesus, adan tr'ookit diineenjít nihdeinzhii, ajíits'á' Melchizedek giinkhíh iinli' k'it khít ndaanaá'ají' kwaa gwats'á' geenjít ndak khii giinkhíh choo dhídlít t'inchy'aa.

Giinkhíh Melchizedek

7 ¹Jii Melchizedek t'ee kwiik'it Salem geenjít k'eedeegwaadhat choo (King) inli' ts'á' Vit'eegwijyahchy'aa jíintsii eenjít ndak khii giinkhíh choo chan inli'. Abraham nihíriighan gwa'an k'eedeegwaadhat choo nají gaiiyii'ítsají gwats'an needyaa gwiizhit Melchizedek yadaazhii ts'á' vaagweheezyaa geenjít yeenjít Vit'eegwijyahchy'aa ts'á' khagideedi'. ²Ts'á' Abraham jíidii oonjík ts'an 1/10th yant'íiinlii. (Tr'ookit Melchizedek gwinyáá t'ee “K'eedeegwaadhat Choo Vit'eegwijyahchy'aa haa gwinzii ahaa,” ts'á' kwiik'it Salem gwats'á' k'eedeegwaadhat nilii geh'an chan voozhri', “Tsinehdan eenjít k'eedeegwaadhat (King),” gwinyáá t'igwinyáá.) ³Melchizedek, nijin gwats'an deedhaa gaa vaagwiindaii kwaa ts'á' viti' ts'á' vahan haa juu t'igiinchy'aa vaagwiindaii kwaa ts'á' nijin dáí' vagoódlít akwat nijin dáí' vakwaa, jii kwaii datthak gaagwiindaii kwaa gwadanakhwat'oo kwaa geh'an. Vit'eegwijyahchy'aa Vidinji' k'it t'inchy'aa geenjít giinkhíh dhídlít t'arahnyáá.

⁴Melchizedek deegwaht'oo jíintsii gooh'in. Abraham t'ee yeenaa díilak vaagwiindaii choo nilii ts'á' nihíeeriighan zhít jíidii gaiiyiigwítsají ts'an 1/10th yant'íiinlii t'inchy'aa. ⁵Ts'á' Levi ts'an deedhaa nají ginkhíh nilii t'ee Moses va-law k'iighai' Israel gwich'in nají ts'an 1/10th agwaanchy'aa qhjíi googaanyáá gwík'it t'igii'in. Abraham ts'an dígeedhaa gaa ník'it dagalak ts'an tr'igwígwiilii t'igii'in. ⁶Melchizedek, Levi giinkhíh nají ts'an deedhaa kwaa googaa níhk'it Abraham ts'an 1/10th oonjík ts'á' vaagweheezyaa geenjít yeenjít Abraham khagideedi', ají Abraham t'ee Vit'eegwijyahchy'aa deeshi'yaa nyáá, ají yeenjít gwík'it t'íizhit t'inchy'aa. ⁷Juu Vit'eegwijyahchy'aa ts'á' ch'ízhii díinjii eenjít gweheezyaa geenjít khagidíinjii t'ee gwandaa gwíhil'ee t'oonchy'aa juu nají datthak gaandaii t'oonchy'aa. ⁸Levi ts'an deedhaa giinkhíh nají, Israel gwich'in nají ts'an 1/10th teegwagwahjíi nají datthak níginjík, gaa Melchizedek ají 1/10th teegwíjík ají Dèhtly'aa Choh zhít tth'aii hee gwandaii giiyahnyáá geh'an goovandaa híl'ee. ⁹Ají geh'an t'ee nijin Abraham 1/10th

oiinkwat dajì Levi ts'an deedhaa najì 1/10th Melchizedek agogojinkwat k'it t'oonchy'aa khit ts'á Vit'eegwijyahchy'aa eenjit Israel nahkat gwats'an 1/10th goonjii geh'an. ¹⁰Nijin Melchizedek, Abraham eenikkhee dajì, Levi tth'aii vigwiii kwaa, gaa yeenaa valak Abraham vatthajì zhit t'inchy'aa k'it veenjit t'oonchy'aa. ¹¹Jii t'ee Levitical giinkhii najì k'iighai' Israel gwich'in najì Moses va-law ant'eegwarin'ajì. Ajì giinkhii Levi ts'an deedhaa najì Vit'eegwijyahchy'aa deekhwa'in goovahnyaa gwik'it t'igiizhik ji', juk duuyeh ch'izhii ginkhii Melchizedek tajì adaa najì t'eegwaahchy'aa, ajì t'ee Aaron vats'an deedhaa kwaa. ¹²Ajì geh'an nijin giinkhii najì googwitr'it ch'ijuk t'inchy'aa neegahoodlit dajì ajì Moses va-law chan ch'ijuk t'ineeheenjyaa gwizhrìh goo'aii t'oonchy'aa. ¹³Ts'á Diik'eegwaadhat jii kwaii eenjit veegarinkhii t'ee ch'izhii zheeneedijii najì ts'an deedhaa ts'á Judah vizheeneedijii ts'an ch'ihłok gaa giinkhii gwanlii kwaa. ¹⁴Judah, zheeneedijii ts'an vagooodlit datthak vaagwiindaii ts'á Moses nijin giinkhii najì eeginkhii dajì jii zheeneedijii najì eeginkhe' kwaa t'inchy'aa.

Ch'izhii giinkhii Melchizedek K'it T'inchy'aa

¹⁵Jii eenjit juk it'ee gwigweech'in goodlit ts'á ch'izhii giinkhii Melchizedek k'it t'inchy'aa igweelkij. ¹⁶Levi ts'an deedhaa ajì geh'an giinkhii dhidlit t'aihnyaa kwaa, gaa, gwandaii ndaanaj'ajì kwaa di'ij ajì ts'an t'aih di'ij haa giinkhii dhidlit t'aihnyaa. ¹⁷Ajì geh'an Dehtly'aa Choh zhit veenjit jyaa digwinyaa,

“Melchizedek ginkhii inli' k'it nan t'ee ndaanaj'ajì kwaa gwats'á datthak giinkhii hinlyaa t'oonchy'aa.”

¹⁸Moses va-law vat'aii kwaa ts'á vit'eegwaahchy'aa kwaa haa dhidlit geh'an geh'at nigiiyin'ajì. ¹⁹Moses va-law datthak gwinzii gwahtsii kwaa geh'an juk ajì Vit'eegwijyahchy'aa deehee'yaa nyaa ajì gwik'it t'ihē'yaa vaagwiindaii gwandaa nizij gwaroontá, ajì gwik'iighai' Vit'eegwijyahchy'aa vats'a' nahgwan t'igweheechy'aa geenjit gwandaa gwik'it gwanlii.

²⁰Ajìts'á chan Vit'eegwijyahchy'aa deehee'yaa nyaa, ajì hi'deegwidlii haa gwik'it t'ihē'yaa, ajì chan goo'aii, ajìts'á ch'ihłok gaa Vit'eegwijyahchy'aa ch'izhii giinkhii eenjit jyaa dishi'yaa diinya' kwaa t'oonchy'aa. ²¹Gaa Jesus ajì Vit'eegwijyahchy'aa deeshi'yaa nyaa k'iighai' giinkhii dhidlit, ts'á jyaa yahnyaa,

“K'eegwaadhat li'deegwidlii zhit deeshi'yaa nyaꝯ aꝯit'ee
 lahchy'aa gwik'it t'ihee'yaa t'inyaꝯ,
 ts'a' duuyeh diginjik noonjii,
 'Ndaagwaꝯan'aꝯ' kwaa gwats'a' datthak giinkhieh hinlyaa!”

yahnyaꝯ.

²² Vit'eegwijyaꝯhchy'aa deehee'yaa nyaꝯ geh'an Jesus vik'iighai'
 ɣyaa gwik'it gweheelyaa gwizhrɨh ts'a' jii, Moses k'iighai'
 deehee'yaa nyaꝯ aꝯi andaa gwinzii t'oonchy'aa.

²³ Jii chan ch'ɨjuk neegahoodlit, yeenii giinkhieh gwiinli' nꝯi
 datthak nigiinjik ts'a' duuyeh digwigwitr'it gɨdaa tr'igiinjii, ²⁴ gaa
 Jesus khit gwandaii nilii, ts'a' giinkhieh nilii digwitr'it duuyeh
 ch'izhii nꝯi ant'l'eegwa'aii t'inchy'aa. ²⁵ Ts'a' t'ee juk ts'a' khit
 haa gwik'it t'ihee'yaa, juu yik'iighai', Vit'eegwijyaꝯhchy'aa k'injijii
 nꝯi neehahshii geenjit, gwandaii ndaagwaꝯan'aꝯ' kwaa di'ɨ haa
 Vit'eegwijyaꝯhchy'aa ts'a' gooveenjit ch'oodiikwat geenjit.

²⁶ Jesus t'ee ndak khii ginkhieh choo nilii ts'a' jidii
 t'eegwaahchy'aa diits'an aꝯtsii. Shroodiinyaꝯ nilii ts'a'
 vatr'agwaanduu gwakwaa: Vit'eegwijyaꝯhchy'aa juu tr'agwaanduu
 t'ii'in nꝯi tee gwats'an giheerihɨchɨi ts'a' zheekat ndak
 deeghaii niyaꝯhchɨi. ²⁷ Ch'izhii ndak khii ginkhieh choo nꝯi k'it
 t'inchy'aa kwaa, juu tr'ookit gootr'agwaanduu eenjit aꝯit'l'eꝯ
 diitr'agwaanduu geenjit drin gwhiteegwagwaanchy'aa ataiinjii
 aꝯtsii gwat'aahchy'aa kwaa. Ch'ihɨok datthak diineenjit ataiinjii
 ihɨtsꝯi nijin adan gwant'l'eedaachɨi daꝯ'. ²⁸ Moses va-law zhit, dinjii
 nꝯi ndak khii giinkhieh choh heelyaa eenjit gwhitee tr'agoogiinlii
 gaa aꝯi dinjii nꝯi khit Vit'eegwijyaꝯhchy'aa haa geedaa kwaa, gaa
 Vit'eegwijyaꝯhchy'aa aꝯi hi'deegwidlii haa deeshi'yaa nyaꝯ aꝯi
 vijuu gwanaa gohju' gwik'it t'iizhik, Didinji' juu ndaagwaꝯan'aꝯ'
 kwaa gwats'a' vatr'agwaanduu ch'ihɨok gaa gwakwaa aꝯi gwhitee
 tr'aꝯhchɨi, ndaagwaꝯan'aꝯ' kwaa gwats'a' datthak ndak khii
 giinkhieh choh heelyaa geenjit, Law giɨtsꝯi aꝯit'l'eꝯ niighyuk
 gwahaadhat.

Jesus Diineenjit Ndak Khii Giinkhieh Choh Nili

8 ¹ Jii jidii eegirinkhii t'ee jyaa digwinyaꝯ t'igwinyaꝯ, ɣyaa
 ndak khii giinkhieh choo tr'ii'ɨ aꝯit'ee Vit'eegwijyaꝯhchy'aa
 jiintsii ch'andaa hil'ee nilii zheekat k'eedeegwaadhat ts'a' yakat
 doodii aꝯi vishriits'aꝯi dhidii. ² Dzaa nankat gwidinji' nꝯi daganli'

haa Zheegwadhadh gwinigiintthaii kwaa, gaa K'eegwaadhat Kharigidiinjii Zheegwadhadh gwiiniintthaii vizhit ch'andaa shroodiinyaḡ dehk'it goo'aii ndak khii ginkhii choo nilii geenjit gwizhit tr'agwah'in.

³Ndak khii giinkhii choo naḡḡ datthak Vit'eegwijyahchy'aa gwitee tr'agoovinlii t'oonchy'aa, Vit'eegwijyahchy'aa vats'ḡ' nin akwat gwanzhḡ kwaii ataiinjii gahahtsyaa geenjit, ts'ḡ' diidak khii giinkhii choo chan k'aiich'ii ataiinjii hahtsyaa hee'yaa goo'aii. ⁴Jewish law zhit ginkhii naḡḡ, ch'ijuk gwinleḡḡ ataiinjii Vit'eegwijyahchy'aa ts'ḡ' gahahtsyaa goo'aii, aḡḡ geh'an dzaa naa dhidii ji' duuyeh giinkhii nilii t'inchy'aa. ⁵Dzaa nankat ndak khii giinkhii ginlii haa gwitr'it t'agwagwah'in t'ee zheekat deegwee'ya' aḡḡ gwik'it teegahdaii t'igii'in. Aḡḡ geh'an nijin Moses, Kharigidiinjii Zheegwadhadh gwinintthaii daḡ' l'ya' gwik'it t'ihee'yaa gwizhrḡḡ, “Ddhah kat nats'ḡḡ gwahahtsyaa nats'ḡ' gwigweeḡkḡḡ aḡḡ gwik'it gwahahtsyaa gwizhrḡḡ.” ⁶Gaa juk Jesus, ndak khii giinkhii gwigwitr'it vant'l'eegwirin'aḡḡ t'ee ndak khii giinkhii naḡḡ andaa hil'ee, aḡḡ Vit'eegwijyahchy'aa digii naḡḡ eenjit deehee'yaa nyaḡ t'ee Vit'eegwijyahchy'aa, Moses k'iighai' deehee'yaa nyaḡ andaa gwihil'ee, digii naḡḡ eenjit deehee'yaa nyaḡ aḡḡ gwandaa gwinzii t'ihee'yaa geh'an t'inyaḡ.

⁷Aḡḡ tr'ookit daḡ' deeshi'yaa jiinya' chy'aa gwit'igwin'ee kwaa ji' ch'izhii deeshi'yaa nyaḡ gwik'it t'ihee'yaa, nyaḡ gwat'aahchy'aa kwaa. ⁸Gaa jii jyaa diinya' daḡ' Vit'eegwijyahchy'aa vigii naḡḡ veenjit t'igwin'ee,

“Nijin Israel ts'ḡ' Judah gwich'in naḡḡ haa,
deeshi'yaa dihnyaḡ chy'ah gooveenjit k'eejit neegwahahtsyaa
aḡḡ drin gwats'ḡ' gweedhaa,
K'eegwaadhat nyaḡ.

⁹Yeenii gooti' neezheeneedijii naḡḡ deeshi'yaa dihnyaḡ
goovant'l'eegwii'aḡḡ chy'aa k'it t'ishi'yaa kwaa,
nijin drin goovani' oodhiijik ts'ḡ' Egypt gihleegoohoiilii daḡ'.
Deeshi'yaa dihnyaḡ goovant'l'eegwii'aḡḡ aḡḡ
gwik'eegwagwahthat kwaa,
geh'an zhyaa gavaal'in ts'ḡ' gavininjich'althat kwaa goodlit.

¹⁰Nijin drin zhat nagwaan'aḡḡ, ji' deeshi'yaa jihnyaḡ chy'ah Israel
gii naḡḡ ts'an hahtsyaa,
K'eegwaadhat nyaḡ.

Jii Sha-law aji goodrii zhit dihiht'oo
 ts'a' gooyiinji' zhit chan nihih'aa.
 Ajiits'a' Goovit'eegwijyahchy'aa hihlyaa
 ts'a' geedan chan shigii giheelyaa, gavahnyaa.

11 Gootee ch'ihlee gaa diyyaa geehahchyaa kwaa
 akwat goonee'ok dinjii naji chan haa gwahoondak kwaa,
 'Datthak ts'a' K'eegwaadhat haakhwandaii gwat'oohchy'aa
 t'oonchy'aa.'

Juu gwintsal veegoo'aii ts'a' juu gwintsii veegoo'aii
 haa datthak shaagiheendaii geh'an.

12 Gootr'agwaanduu datthak gooveenjit oo'an gwihihlyaa,
 ts'a' gwiizuu t'igee'ya' aji chan giineehaldaii kwaa."

K'eegwaadhat jyaa nyaa.

13 Jii deeshi'yaa nyaa chy'ah aji k'eejit neehahtsyaa eegariinkhii,
 ajiit'ee eh'an Moses va-law, k'eejit nilii kwaa ts'a' duuyeh
 vit'ineegwaachy'aa t'inchy'aa ajiits'a' jidii datthak k'eejit nilii kwaa
 dai', khai' ts'a' an ilii ts'a' niight kwaa chan vakwaa gweheelyaa
 t'inchy'aa.

Zheekat ts'a' Nankat Nats'aq Vit'eegwijyahchy'aa Deegihil'ee

9 1Nijin tr'ookit Vit'eegwijyahchy'aa aji gwik'it t'ihel'yaa zhit
 nats'aq kharigidinjii ts'a' ch'iridlii haa Vit'eegwijyahchy'aa
 deerihil'ee aji dinjii naji geenjit gwideek'it gwigwiltsaji.

2Zheegwadhadh gwineegiintthaii aji oozhee gwizhit nihdeegweedii
 shroodiinyaq goozhii, izhit gwizhit khwaiidaak'a' vakat doo'aii
 dha'aii ts'a', Vit'eegwijyahchy'aa ts'a' vant'leetr'ahchak geenjit
 vakaii'aa dha'aii kat huchy'aa doo'aii, 3aji gwizhit gwat'an
 gwach'aa gihdeinvyaa ant'ii t'ee ch'andaa shroodiinyaq gwideek'it
 goozhii. 4Aji gwizhit, vakaii'aa chil'ee gold zhrih haa iltsaji
 dha'aii, ajiit'ee gwanzhah gwinzii vagwaatsan vakat daak'a' ts'a'
 Vit'eegwijyahchy'aa deehee'yaa nyaa gwik'it t'ihel'yaa tyah
 gold haa iltsaji aji vizhit jii kwaii dhidlii: ts'a' jar gold haa iltsaji
 vizhit manna huchy'aa k'it t'inchy'aa, ts'a' Aaron vagal, aji vakat
 ch'at'an hahshii ts'a' kii neekwaii kat nats'ahts'a' dinjii tr'ihelyaa
 (10 Commandments) gwadanakhwat'oo. Jii kwaii datthak vizhit
 dhidlii. 5Vit'eegwijyahchy'aa deehee'yaa nyaa gwik'it t'ihel'yaa
 tyah ehdee zheekat gwich'in k'it t'inchy'aa neekwaii gold haa
 iltsaji nihts'a' nagadhat ajiit'ee Vit'eegwijyahchy'aa zhat t'inchy'aa

gwigweech'in geenjit, digit'ee choo aji Vit'eegwijyahchy'aa deehee'yaa nyaq gwik'it t'ihēe'yaa tyah taa nihky'aa t'agahthan, goot'ee t'eh Vit'eegwijyahchy'aa diitr'agwaanduu oo'an gwahaadlii goo'aii. Gaa juk jii kwaii datthak geegireheehkhyaa geenjit goo'aii kwaa.

⁶Kharigidiinjii Zheegwadhah gwizhit t'ee jii jyaa digwehee'yaa goo'aii. Giinkhih naji, drin gwiteegwaanchy'aa nihdineegiidal ts'a' deehee'yaa goo'aii gwik'it t'igii'in. ⁷Gaa ndak khii ginkhih choo aji oozhee ch'andaa shroodiinyaq gwideek'it goo'aii, shree drin gwizhit ch'ihlok neegwiidhat gwizhrh hee zhat nin ts'an ch'eeikai, Vit'eegwijyahchy'aa ts'a' ataiinjii hahtsyaa geenjit adahaa hah'ak, aji't'ee da-tr'agwaanduu ts'a' Israel gwich'in naji gootr'agwaanduu tr'agwah'in, aji jyaa digii'in gaa gaagiindaii kwaa naji eenjit t'ii'in. ⁸Aji Zheegwadhah nihdēegweedii gwizhit shroodiinyaq tth'aii hee goo'aii geh'an nijin ch'andaa shroodiinyaq gwideek'it goo'aii izhit zhat daj' tth'aii hee nihky'aa gwaroonjii kwaa, jii t'ee nats'aa goo'aii aji Ch'ankey'aa Shroodiinyaq gwinzii gwireheetth'ak geenjit geech'oaqhtan. ⁹Jii gwik'it t'oonchy'aa t'ee juk gweendaa gwats'a' gwiin'ee. Zhit juu Vit'eegwijyahchy'aa ts'a' ginkhih naji k'iighai' ataiinjii ahtsii naji, nin akwat gwanzhah haa giyant't'ee'ahchak duuyeh goodrii zhit tr'agwaanduu kwaa gwahtsii akwat gooyinji' chan duuyeh goovaanigwii'aji kwaa gwahtsii, ¹⁰shih tr'a'aa chuq tr'iinjii, ts'a' dik'eech'araatryaa haa shroodiinyaq adaraatsii geh'an Vit'eegwijyahchy'aa jii kwaii diineenjit ataiinjii ahtsii, diitthaj' chan hee shroodiinyaq heelyaa gwiltsaji dahthee ch'izhii k'eejit gwik'it t'igwehee'yaa neegwahahtsyaa gwats'a'.

¹¹Gaa Christ ch'adaj' hee ndak khii giinkhih nilii, ts'a' nijin dzaa k'idik daj', adan t'ee jidii gwinzii diits'a' t'igwii'in gwiltsaji t'inchy'aa. Aji Kharigidiinjii Zheegwadhah zhit gwitr'it t'agwah'in t'ee chil'ee ts'a' jidii gwinzii aji andaa gwinzii. Jii Kharigidiinjii Zheegwadhah dzaa nankat gwidinjii naji daganli' haa giyiltsaji kwaa, ts'a' dzaa nankat nats'ahts'a' gwiltsaji aji gwik'it iltsaji kwaa t'inchy'aa. ¹²Nijin Christ Zheekat gwizhit Kharigidiinjii Zheegwadhah gwizhit ch'andaa shroodiinyaq goo'aii izhit ch'ihlok datthak geenjit ataiinjii iltsaji nijin adan gwant't'eedaachij daj', goat akwat bull ts'an eekai adahaa haa'aii kwaa gaa dadaa haa Vit'eegwijyahchy'aa ts'a' gwant't'eedaachij, ndaagwaa'aj' kwaa neereheezhii tr'ihēe'yaa geenjit. ¹³Nin goat ts'a' bull kwaii haa ts'an ch'eeikai ts'a' aak'ii zhuu(calf) dhik'in

ts'an kikluu kwaii, Vit'eegwijyahchy'aa vandee zhit shroodiinyaq nilii kwaa najj k'aq giihaht'at ts'a' jyaa digii'in haa shroodiinyaq neegiilik. ¹⁴Ajj'ee hi'deegwidlii geh'an, deegwaht'oo Christ vadaa haa gaiiyigwahahtsyaa t'oonchy'aa! Ch'ankey'aa Shroodiinyaq ndaanaq'aj' kwaa k'iighai' gwinzii ajj gwandaa gweheeyaa geenjit vatr'agwaanduu kwaa haa Vit'eegwijyahchy'aa ts'a' gwant'eedaachji. Vadaa eh'an ataiinjii tr'ahtsii akhagwaroonya, ajj ataiinjii t'ee gwandaii ndaanaq'aj' diits'an ahtsii kwaa, ts'a' Vit'eegwijyahchy'aa khit gwandaii vats'a' kharigeheeyaa ts'a' veenjit gwitr'it t'agwarahah'yaa geenjit diiyinji' nizij nihtsajj.

¹⁵Jii geh'an t'ee Christ deeshi'yaa nyaq gwik'it t'ih'eeyaa ch'izhii neegwit'sajj, ajj'ee Vit'eegwijyahchy'aa gwats'an dinjii najj ts'a', juu Vit'eegwijyahchy'aa gwiteetr'agooviinlii najj Christ khit goots'a' gwinzii t'ih'eeyaa ts'a' deeshi'yaa nyaq goovant'eiin'ajj. Jii khan gwik'it gweheeyaa, Christ niindhat geh'an dinjii najj datr'agwagwaanduu gwats'an tr'ineegooviinlii, tr'ookit deeshi'yaa nyaq gwik'it t'iizhit ajj tth'aii hee zhit geedaa gwiizhit.

¹⁶(Will) tr'ahtsii daj' ajj juu will ihtsajj, niindhat t'ee ajj gaagweheendaii gwarahahtsyaa gwizhrjh. ¹⁷Ajj juu will ihtsajj tth'aii hee gwandaii ji' ch'ihlee gaa jidii vats'an heelyaa oonjii? Duuyeh t'inchy'aa! Ajj juu will ihtsajj niindhat ji' gwizhrjh, ajj will tr'ahaah'yaa ajjt'ee vik'it t'igweheeyaa t'inchy'aa. ¹⁸Ajj geh'an nijin tr'ookit deeshi'yaa nyaq gwik'it t'ih'eeyaa daj' nin eekaii t'eegahchy'aa ajj ch'eekaii k'iighai' deeshi'yaa nyaq gwik'it t'ih'eeyaa gwinzii goodlit. ¹⁹Tr'ookit, Moses, dinjii najj datthak gwik'it t'igiheechy'aa geenjit Commandments Law datthak goots'a' eegiinkhe' daj', ajjt'ee goats ts'a' bulls haa ts'an ch'eekaii oonjik ts'a' chuu haa neeyiktraa ts'a' Hyssop ts'iivii tthoochan ts'a' naadoo gwach'aa wool daatsik t'aahchy'aa haa ajj Law dehtly'aa kat ts'a' dinjii najj k'aq yahaht'at. ²⁰Ts'a' jyaa goovahnyaq, "Jii nin eekaii haa t'ee Vit'eegwijyahchy'aa deeshi'yaa nyaq gwandaa gwiint'aii gwihtsajj ts'a' deiinyaq datthak gwik'eegohthat!" gavahnyaq. ²¹Ajj gwik'it Moses, Kharigidiinjii Zheegwadhad k'aq nin eekaii ch'ashoo ts'a' jidii Vit'eegwijyahchy'aa vats'a' vaa kharigidiinjii datthak chan gwik'it t'inlik. ²²Jii tyaa gwik'it gwanlii, Law deenyaq gwik'it jidii datthak nin eekaii vakat ch'arashoo haa shroodiinyaq heelyaa ts'a' nin eekaii Vit'eegwijyahchy'aa vats'a' ataiinjii tr'ahtsii haa neeriinjaa k'iighai' gwizhrjh tr'agwaanduu oo'an gweheedaa.

**Christ Gwint'ee Daachji Geh'an Diitr'agwaanduu
Gwigwitr'it Oo'an Gwahaajil**

²³ Izhit geh'an dzaa nankat Kharigidiinjii Zheegwadhah zhit k'aiich'ii kwaii t'ee zheekat jyaa doonchy'aa gwik'it teegwagwahtsi' t'igii'in, ts'a' nin eekaii haa shroodiinyaꝯ heelyaa gwizhr̥h, gaa Kharigidiinjii Zeh gwizhit zheekat gwik'eiich'ii gwandaa chil'ee heelyaa goo'aii. ²⁴ Christ, dzaa nankat dinjii naji daganli' haa shroodiinyaꝯ gwideek'it gwiłtsaji gwizhit nihdeiinzhi kwaa, ajiit'ee zheekat jyaa doonchy'aa goo'aii gwik'it dzaa nankat giyiłtsaji t'inchy'aa, gaa zheekat gwizhit gwats'a' haazhii ts'a' juk t'ee Vit'eegwijyahchy'aa haa dhidii ts'a' diineenjit yats'a' ch'oodiikwat t'inchy'aa. ²⁵ Nin eekaii haa Jewish ndak khii giinkhih choh shree drin ch'ihłok neegwiidhat hee ch'andaa shroodiinyaꝯ gwideek'it goo'aii, aji zhit ninidik. Gaa Christ gwinleji gwint'eedahaachyaa geenjit zhat ninidik kwaa. ²⁶ Aji jyaa diizhik ji', jii nan goodlit daji' gwats'an gwinleji khaiinjich'iheeghit t'inchy'aa. Gaa juk khaiinkoꝯ drin zhit gwats'a' nahgoꝯ gweedhaa gwiizhit, juu naji datthak eenjit ch'ihłok gwizhr̥h dzaa nankat gwats'a' haazhii diitr'agwaanduu oo'an gweheelyaa geenjit adan gwant'ee'adaachji t'inchy'aa. ²⁷ Dzaa nankat diitee gwagwaanchy'aa ts'a' ch'ihłok gwizhr̥h neeraheedhaa ts'a' ajiit'ee t'ee Vit'eegwijyahchy'aa diitr'agwaanduu geenjit diinoohahkat goo'aii. ²⁸ Aji gwik'it chan Christ diineenjit gwant'ee'adaachji, vik'iighai' dinjii leji naji gootr'agwaanduu oo'an gweheedaa geenjit. Aji ts'a' chan dzaa nankat gwits'eeheedyaa, gaa gootr'agwaanduu oo'an gweheelyaa geenjit nakwaa gaa juu nineeheedyaa geenjit niyuul'in naji neegooahshii geenjit.

10 ¹ Yeena daji' Moses va-law zhit deegwehee'yaa goo'aii aji Christ diineenjit gwinzii t'ee'ya' aji ant'ii gwank'oh t'eh goo'aii k'it t'oonchy'aa. Ajiit'ee lyaa gwik'it t'igwiizhik. Aji gwant'leeyaandak t'ee shree drin gwats'an shree drin gwats'a' khik geenjit gwik'it t'oonchy'aa, gaa zhit juu gwant'aandak ch'ihłok gaa vatr'agwaanduu oo'an gwirihilii kwaa t'oonchy'aa. ² Dinjii naji ataiinjii gahtsii geenjit gootr'agwaanduu oo'an gwahaadlii ts'a' gooyinji' zhit gwit'igwin'ee gwihiljii nagwaanaji ji', dinjii naji datthak gwant'ee'egaandak akhagagoohenjyaa t'oonchy'aa. ³ Gaa jii t'ee jyaa doonchy'aa shree drin zhit ch'ihłok ataiinjii

gahtsii t'ee Israel gwich'in najj k'iighai' gootr'agwaanduu gwanlii gineegahaandaii geenjit t'igii'in. ⁴Nin bulls ts'a' goats haa gooch'eekaii duuyeh tr'agwaanduu oo'an gwigwihilii t'oonchy'aa.

⁵ Ajj geh'an nijin Christ dzaa nankat gwats'a' khakhaii daj',

Vit'eegwijyahchy'aa jyaa yahnyaq,

“Nijin dinjii najj gwant'eegaandak ts'a' ataiinjii gahtsii gaa viindhan kwaa daj',

dzaa nahkat dinjii najj k'it t'ihihchy'aa sheenjit shrigwiinlik.

⁶ Nijin dinjii najj nin ch'ihlak datthak vakaii'aa chil'ee kat gahk'an

akwat tr'agwaanduu t'igwii'in gwashoo'ahlij kwaa oo'an

gweheedaa geenjit ataiinjii gahtsii daj'.

⁷ Ajjt'ee jyaa dihnyaq, 'Vit'eegwijyahchy'aa,

deesho'ya' shoijnyaq gwik'it t'ishi'ya

geenjit dzaa lyaa t'ihchy'aa, nats'ahts'a' law dehtly'aa zhit

sheenjit gwadanakhwat'oo gwik'it.”

⁸ Tr'ookit daj' Christ jyaa nyaq, “Viyiindhan akwat nant'eech'arahchak ts'a' ataiinjii tr'ahtsii haa neenjit

gwinzii t'igwii'in, akwat nin kwaii ataiinjii tr'ahtsii deek'it

kat tr'ahk'an ts'a' diitr'agwaanduu oo'an gweheedaa geenjit

gwant'eech'arahchak.” Googaa jii jyaa deiinya' Moses va-law

deenyaq gwik'iighai' gwant'eech'arahchak. ⁹Ajjt'ee Christ

jyaa yahnyaq, “Vit'eegwijyahchy'aa jiintsii, dzaa t'ihchy'aa

ts'a' deenoo'ya' shoijnyaq, ajj gwik'it t'ishi'ya.” jyaa nyaq

geh'an Vit'eegwijyahchy'aa zhit gwant'eech'arahchak datthak

gwit'ineegwaachy'aa kwaa ts'a' Christ ajj nijin Vit'eegwijyahchy'aa

ts'a' diineenjit gwant'ee'adaachij daj' ajj gwideek'it neegwahoodlit.

¹⁰ Jesus Christ ajj Vit'eegwijyahchy'aa deeyahnyaq ajjt'ee

gwik'eegwalthat, ndaagwaa'aj' gwakwaa gwats'a' datthak geenjit

ch'ihlok gwizhrjh gwant'ee'adaachij, diitr'agwaanduu ts'an

shroodiinyaq tr'iheelyaa geenjit.

¹¹ Jewish giinkhih najj drin gwhiteegwagwaanchy'aa

Vit'eegwijyahchy'aa eenjit gwitr'it t'agwah'in, khit ataiinjii

nikh'it t'iichy'aa giits'a' ahtsii, gaa ajj giyant'eech'ahchak

diitr'agwaanduu oo'an gwihilii kwaa. ¹²Gaa Christ

ajj ch'ihlok gwizhrjh gwant'ee'adaachij, diineenjit

diitr'agwaanduu oo'an ndaagwaa'aj' kwaa gwats'a'

gwireheelyaa geenjit, ajjt'ee Vit'eegwijyahchy'aa vishriits'ajj

naadii. ¹³ Dahthee juu yitr'ii'ee naji Vit'eegwiyahchy'aa dakwai' t'eh nagooveheelyaa gwats'a' yeeghaii shriits'aji dhidii ts'a' nagwal'in. ¹⁴ Ch'ihlok gwizhrh gwant'leedaachij, ts'a' t'ee ndaagwaan'aji kwaa gwats'a' datthak zhit juu tr'agwaanduu ts'an shroodiinyaa dhidlit naji khit geenjit shroodiinyaa niłtsaji t'inchy'aa.

¹⁵ Ch'anky'aa Shroodiinyaa, Dehtly'aa Choh zhit tr'ookit jii jyaa nyaq,

¹⁶ “Nijin drin zhat nagwaanaji ji,
jii deeshi'yaa dihnyaq chy'ah goots'an hałtsyaa.
Jii sha-law goodrii zhit nigwihh'aa
ts'a' gooyinji' zhit gwidihiht'oo.”

K'eegwaadhat nyaq. ¹⁷ Aijit'ee chan jii jyaa nyaq,

“Goot'agwaanduu ts'a' googwitr'it gwiizuu kwaii datthak duuyeh ganaldaii.”

¹⁸ Aijits'a' nijin jii kwaii oo'an gwahaadlii dai', diitr'agwaanduu geenjit gwant'leech'arahchak ataiinjii chy'aa gwik'it t'igwii'in gwit'eegwaahchy'aa kwaa.

Datthak ts'a' Vit'eegwiyahchy'aa Vats'a' Nahgwan Gwats'a' Tr'ahoojyaa

¹⁹ Aijits'a' t'ee shijyaa naji, Jesus, ch'ichi' diineenjit dhidlit geh'an zheekat ch'andaa shroodiinyaa goo'aii tr'aanjat kwaa haa nihdeereheedaa t'oonchy'aa. ²⁰ K'eejit goodlit k'ii'an tr'ineereheedaa ts'a' khit gwireheendaii diineenjit gwiłtsaji, aijit'ee nijin gwach'aa gwats'ooghahi iłtsuu chy'aa Jesus gwant'leedaachij ts'a' ch'ichi' dhidlit dai' diineenjit nihky'aa goonjik ts'a' juk gwandaii nilii. ²¹ Ndak khii giinkhah choh tr'ii'ij t'ee zheekat Kharigidiinjii Zheegwadwah gwats'a' k'eedeegwaadhat nilii. ²² Aijits'a' t'ee diitthaji' chan chuq nizij zhit vik'leech'arahtryaa gwik'it diidrii hi'didlii ts'a' lyaa gwik'injigwiighit choo tr'ii'ij haa diiyinji' zhit tr'agwaanduu t'igwii'in gaagwiindaii, aji shroodiinyaa tr'ohtsyaa ts'a' Vit'eegwiyahchy'aa veeghaii gwats'a' naroojyaa. ²³ Vit'eegwiyahchy'aa deehee'yaa nyaq aji gwirii'ij ch'izhii naji haa gwaraandak diit'aii datthak haa gwint'aii gwaroontaj, lyaa gwik'it t'ihel'yaa vaagwiindaii geh'an. ²⁴ Datthak ts'a' nihłhts'aroonya' ts'a' nihleenjit ch'et'igwiniindhan tr'oo'i' ts'a' gwinzii nihts'a' t'agoo'ya' jii kwaii datthak gininjich'arohthat.

²⁵Gwik'injiighit lat naji tr'igiinkhii zheh khaihlan nineegiidal akhagoonyaa, gook'it khaihlan nineekhwadal akhagohnya' shro', K'eegwaadhat nineeheedya gwats'a' nahgwan geh'an gwinzii t'akhoh'yaa geenjit t'aih nihts'an ohtsii.

²⁶Li'deegwidlii diits'a' gwigweech'in goodlit gaagwiindaii gaa nihk'it tr'agwaanduu t'igwii'in ji' aji duuyeh ataiinjii tr'ahtsii haa oo'an gwihilii t'oonchy'aa. ²⁷Aji juu Vit'eegwijyahchy'aa ts'a' nich'itsahthat naji, Ch'aroahkat Drin zhit ji' gwats'a' datthak gaanjat haa nagwagwahaal'yaa gwizhr̄ih, aji t'ee kwankyaa nint'aii zhit an giheelyaa t'igiinchy'aa. ²⁸Deenaada'i juu nakhwatee gwa'an Moses va-law laahnaii dai' dinjii neekwaii, akwat gwandaa t'aanchy'aa naji gwagwaah'ya' ginyaa ji' t'ee, juu k'eedeegwaadhat naji neeshraahchy'aa giilhoonjyaa kwaa ts'a' giyehdaa tr'igwihee'aa gwizhr̄ih goo'aii. ²⁹Ajits'a' juu Vit'eegwijyahchy'aa Vidinji' eet'iindhan kwaa ts'a' Vit'eegwijyahchy'aa deehee'yaa nyaq Christ vadaa k'iighai' aji diitr'agwaanduu oo'an gwihilii aji gweechyaa kwaa ts'a' Ch'ankey'aa Shroodiinyaq diits'a' ch'eegoonzhrii ahtsii chan gwiizuu eeginkhii naji deegwaht'oo khaiinjich'igiheeghit t'igiinchy'aa li'. ³⁰Vit'eegwijyahchy'aa jii jyaa nyaq, "Tr'agwaanduu googwitr'it gwanlii geenjit googwahaalshii." Ajits'a' jii chan jyaa nyaq, "Shigii naji deege'yaa' geenjit goohakat." ³¹Vit'eegwijyahchy'aa khit gwaandaii nilii ts'a' vat'aii zhit khaiinjich'iriighit lyaa gwagwaanjat.

³²Gwehkij dai' nakhwaa doonchy'aa chy'ah ganoondaii, aiizhit gwanaa dai', tr'ookit gwik'injuhkhit dhoodlit ts'a' gwint'oo khaiinjich'akhwadhat gaa nihk'it nakhwagwik'injigwiighit akhagohnyaa kwaa. ³³Dinjii gwanlii gwa'an gwiizuu nakhwats'a' gigiinkhii ts'a' nakhwats'a' chan gwiizuu gwitr'it t'agwagwah'in, ts'a' geete hee gaa gook'it t'akhwa'in ohlik. ³⁴Ndaagwaan'aji' kwaa gwats'a' datthak, zheekat jidii gwandaa nizii khwa'ii gaakhwandaii ts'a' juu zhee gwaazhraji dilk'ii naji haa khaiinjich'okhwahthat ts'a' nijin k'eedeegwaadhat naji nakhwak'eiih'i' kwaii datthak nakhwats'i' goondak dai' gaa nihk'it nakhwat'aii goh'ii ts'a' geenjit shoo qhii. ³⁵Tseenjyaa nakhwat'aii nint'aii goh'ii, jyahs'a' gwik'iighai' zheekat gwizhit nakhweenjit gwinzii gwiintsii goo'aii hohdal t'oonchy'aa. ³⁶Vit'eegwijyahchy'aa deehee'yaa nyaq aji nakhwats'an heelyaa gwats'a' khai'gwidlii nagooodhoo'in, ts'a' aji gwik'it Vit'eegwijyahchy'aa nats'aq dinjii qhii' nakhoonyaa gwik'it dinjii qhii. ³⁷Dehtly'aa Choh zhit jyaa digwinyaa,

“It'ee niighit kwaa
 ts'a' juu neeheedyyaa goo'aii k'ineeheedik;
 duuyeh niighyuk nagool'in t'inchy'aa.
 38 Gaa juu shigii naïï nats'aq dinjii gooli' goovoihnyaa naïï
 gwik'injigwiighit ts'a' gwandaii ndaanaq'ai' kwaa gihee'yaa,
 ts'a' juu k'iinjik neehoozhii ji'
 duuyeh vashoo'ahlïï t'inchy'aa.”
 39 Diikhwan aïï k'iinjik neerahoojil ts'a' diinaa tr'igweendaii
 kwaa t'oonchy'aa gaa gwik'injigwiighit tr'ii'ïï ts'a' neereezhii
 t'oonchy'aa.

Diigwik'injigwiighit Geh'an

11 ¹Nijin gwik'injiriighit ðaj' yeedaa diineenjit deehee'yaa
 nyaq aïï gwaroontaq', jidii gwaraah'in kwaa gaa nihk'it
 gwik'it gweheelyaa gaagwiindaii. ²Deenaadaï' gwats'an diilak naïï
 googwik'injigwiighit k'iighai' Vit'eegwijyahchy'aa gooshoo ahlïï.

³Gwik'injigwiighit eh'an t'ee Vit'eegwijyahchy'aa diginjik
 haa nankat ts'a' zheekat goodlii datthak gwiltsaïï gaagwiindaii,
 aïï gwik'iighai' jidii tr'aah'in kwaii tr'aah'in kwaa haa iltsaïï
 t'oonchy'aa.

⁴Abel vigwik'injigwiighit eh'an, Cain andaa atainjii nizii
 Vit'eegwijyahchy'aa ts'a' iltsaïï. Vit'eegwijyahchy'aa haa gwinzii
 nadhat ts'a' yashoo ahlïï, Vit'eegwijyahchy'aa ant'eech'ahtsit
 geenjit yashoo ahlïï. Abel vigwik'injigwiighit eh'an niindhat gaa
 juk drin tth'aii hee diits'a' ginkhii k'it t'inchy'aa.

⁵Enoch vigwik'injigwiighit eh'an niindhat kwaa, gaa
 Vit'eegwijyahchy'aa neeyuunjik ts'a' juu naïï datthak giiyankantii
 gaa gigwah'aïï kwaa. Vit'eegwijyahchy'aa zheekat gwats'a'
 yihiłchïï. Vit'eegwijyahchy'aa neeyahoondal gwehkïï ðaj' Dehtly'aa
 Choh zhit jyaa digwinyaq, Vit'eegwijyahchy'aa Enoch, ashoo'ahlïï
 geh'an zheekat gwats'a' yihiłchïï gwinyaq. ⁶Dinjii ch'ihlee
 gwik'injigwiighit di'ïï kwaa ji' duuyeh Vit'eegwijyahchy'aa shoo
 ahtsii, juu Vit'eegwijyahchy'aa k'injiighit t'ee Vit'eegwijyahchy'aa
 gwanlii gwik'injiheeghit ts'a' juu yankantii naïï goodivee gwinzii
 gwahtsii t'inchy'aa.

⁷Yeendaa ji' gwiizuu t'igweheenjyaa gwah'in kwaa gaa Noah
 Vit'eegwijyahchy'aa vigwik'injigwiighit eh'an Vit'eegwijyahchy'aa
 deeyahnyaq gwiitth'ak. Vit'eegwijyahchy'aa k'eegwitthat ts'a'

tr'ihchoo choo iltsajjij aijj zhit adan, ts'a' dizheh k'aqaa haa an gaadlit kwaa. Noah deezhik aijj geh'an nankat gwidinjiij najj gwiizuu t'igii'in gwigweech'in ts'a' Noah, Vit'eegwijyahchy'aa deeyahnyaa gwik'it dinjiij nilii.

⁸Ch'adanh nahkat nant'eegwihih'aa yahnyaa aijj nijin gwats'a' goo'aii gaandaii kwaa gaa, Abraham gwik'injigwiighit di'ijj eh'an nijin Vit'eegwijyahchy'aa nanahkat gihleehinkhaii yahnyaa dajj' yik'eegwitthat. ⁹Vit'eegwijyahchy'aa ch'adanh nahkat nant'eegwihih'aa nyaa aijj Abraham yik'injiighit geh'an aakin nilii ts'a' ch'izhii yaaneehiidal najj haa ch'adanh nahkat gwa'an zheegwadwah zhit gwich'ijj, Isaac ts'a' Jacob haa chan giik'it t'igee'ya', geedan chan Vit'eegwijyahchy'aa jidii nakhwant'eehiih'ya nyaa, aijj gwik'injigiighit geh'an. ¹⁰Abraham zheegwadwah zhit gwich'ijj gwiizhit kwaiik'it gwachoo gweedhaa datthak gwehee'aa, aijj Vit'eegwijyahchy'aa adan nats'ahts'a' gwahahtsyaa nyaa aijj gwik'it gwiitsajjij, aijj Abraham geenjit nagwal'in.

¹¹Abraham, vigwik'injigwiighit eh'an va'at Sarah tr'iinin hee'ya izhit dajj' googhii lejij geh'an tr'iinin gii'ijj kwaa, gaa chan nijin Sarah nich'it nilii dajj' gaa tr'iinin vee'agwantrii Vit'eegwijyahchy'aa deehie'ya nyaa aijj hi'deegwidlii gweheelyaa gaandaii geh'an. ¹²Abraham, dinjiij ch'ihlak zhrhij nilii ts'a' dyahch'ijj nilii ts'a' vaghii chan lejij gaa nihk'it vats'an lejij najj deedhaa goodlit, zheetijj sa' dhidlit aanchy'aa laqaa ginlii, ts'a' chuu choh vee needdhak gwanlii agaanchy'aa gaadlit.

¹³Datthak ts'a' Vit'eegwijyahchy'aa zhit gwik'injigwiighit gii'ijj gwiizhit nigiiinjik, Vit'eegwijyahchy'aa deehie'ya nyaa aijj gwats'a' niighit dajj' hee gaa gwik'it t'igwiizhit ts'a' gwagwah'ya' k'it gooveenjit t'oonchy'aa, ts'a' gooveenjit shoo ginlii, ts'a' oozhii ginlii kwaa haa dzaa nankat aakin tr'inlii ts'a' gwireheechy'aa gaa gwakwaa ginyaa. ¹⁴Juu jyaa nyaa najj t'ee nahkat goots'an gweheelyaa gwinkeegwagwah'in t'iginyaa. ¹⁵Aijj daganahkat gihleegahaajil, aijj ch'ihlak gaa gininjich'agathat kwaa. Aijj geegigiinkhii t'iginyaa ji' khan gwits'ee giheedaa gaagiindaii. ¹⁶Gaa nahkat gwandaa gwinzii aijj giindhan, aijj t'ee zheekat gwanahkat. Aijj ts'a' nijin Vit'eegwijyahchy'aa vigii ihlii ginyaa dajj' gooveenjit oozhii nilii kwaa, kwaiik'it gwachoo gooveenjit tr'iileijj nigwiin'ajj geh'an.

17 Abraham, gwik'injigwiighit di'ij geh'an didinji' Isaac, Vit'eegwijyahchy'aa ts'a' ataiinjii iltsajj, nijin gwik'it t'ihē'yaa shroq yuunyaq geenjit Vit'eegwijyahchy'aa jyaa dini'in yahnyaq daj'. Vit'eegwijyahchy'aa, Abraham vats'an nihzheeneedijii lejji gweheelyaa t'oonchy'aa yahnyaq, googaa nihk'it Vit'eegwijyahchy'aa k'eegwahthat ts'a' gwik'it t'ahah'ya', ts'a' it'ee zhrh didinji' ataiinjii hiltajj. 18 Vit'eegwijyahchy'aa jyaa yahnyaq, "Deeshi'yaa naihnyaq ajj gwik'it t'ishi'yaa dihnyaq daj', Isaac vik'iighai' nats'an deedhaa lejji najj gweheelyaa t'oonchy'aa." 19 Vit'eegwijyahchy'aa ajj Isaac khan ch'ichi' ts'an yineegwahhdaii ajj Abraham gaandaii ts'a' Vit'eegwijyahchy'aa, ch'ichi' ts'an Abraham, Isaac yant'eenahchij k'it t'oonchy'aa.

20 Isaac vigwik'injigwiighit eh'an Vit'eegwijyahchy'aa deehee'yaa nyaq gwik'it t'ihē'yaa, yeendaa ji' Jacob ts'a' Esau haa goodivee gweheezya geenjit Vit'eegwijyahchy'aa oahkat.

21 Jacob, gwik'injigwiighit di'ij geh'an, Joseph, vidinji' neekwaii najj goodivee gweheezya geenjit khadigeedi'. Datq kat gat'aanchij gwiizhit Vit'eegwijyahchy'aa deehi'ee.

22 Joseph gwik'injigwiighit di'ij geh'an niheedhaa gwats'a', Israel najj Egypt nahkat gwats'an tr'ineegiheedaa nyaq geeginkhii, ts'a' nijin niidhat ji' giich'ichi' deeheelyaa geenjit akq dagoovahnyaq.

23 Moses, viyehghan najj gwik'injigwiighit gii'ij geh'an vagoodlit daj' 3 months gahkhyuk geegoh'it giyehdi'. Tr'inin tsal gwinzii viyiichy'a' nilii ts'a' Egypt nahkat gwats'a' k'eedeegwaadhat nilii deenyaq k'eegwagwahahthat kwaa geenjit gaanjat kwaa.

24 Moses gwik'injigwiighit di'ij geh'an nijin dink'indhat daj', k'eedeegwaadhat vichi' nich'it vidinji' varoonya' nindhan kwaa.

25 Ch'ihlee tr'agwaanduu t'ihē'yaa ajj kwaa gaa gwik'it t'ee'ya' Vit'eegwijyahchy'aa vigii najj haa khaiinjich'ihēeghit ts'ajj veenjit gwinzii.

26 Egypt nahkat gwa-laraa tyaa daat'oo, gaa adan ajj izhit daj' Messiah Christ eenjit khaiinjich'ihēeghit ts'ajj gwandaa gwaat'oo gaandaii ts'a' yeendaa ji' gwinzii gwintsii veenjit goo'aii ajj yiindhan.

27 Moses gwik'injigwiighit di'ij geh'an Egypt k'eedeegwaadhat zhyaahaants'ij gaanjat kwaa ts'a' Egypt gihleehaazhii. Vit'eegwijyahchy'aa tr'aah'in kwaa ajj nah'ya' k'it veenjit t'oonchy'aa ts'a' kiit'ii neehidii gitr'ii'ee. 28 Gwik'injigwiighit

di'iij chan Passover gwiłtsajj ts'a' gindeiinvyaa kat nin eekaii ch'o'shoq goovahnyaa, jyahts'a' gwik'iighai' zheekat gwich'in ch'ichj' eenjit neehidik ajj Israel najj googii tsyaa tr'ookit vagooodlit gahaahkhwaa kwaa geenjit.

²⁹Israel gii najj gwik'injigwiighit gii'iij geh'an Chuy Choo Daatsik njik chuy kwaa k'it t'oonchy'aa neegiinjil. Egypt niveet'ah'in najj gwik'it t'agahah'yaa dajj, datthak tee nagahoonii.

³⁰Israel gwich'in najj drin 7 datthak geelin łits'eedigeendaa ajjt'ee gwik'injigwiighit k'iighai' Jericho kwaiik'it gwachoo geelin kii choo haa tthał nin'ee needagwaanajj. ³¹Gwik'injigwiighit eh'an tr'injaa Rahab, laraa eenjit dinjii najj haa dhichijj nilii, Vit'eegwijyahchy'aa k'eegwahthat kwaa najj haa tr'iikhwajj kwaa, dinjii najj nats'aq kwaiik'it gwachoo gaiiyigwagwahahtsyaa li' geenjit zhit gwa'an gwats'a' googhił'e' najj shoh haa dizheh nihdeiinlii geh'an.

³²Tth'aii hee jii najj datthak gooveegoihkhyaa shoohnyaa? Gideon, Barak, Samson, Jephthah, King David, Samuel ts'a' Vit'eegwijyahchy'aa Eenjit Ginkhii najj, jii najj datthak gaveegiihkhyyaa gaa juk geenjit gwik'it goo'aii kwaa.

³³Ch'adanh nahkat goodlii datthak gwats'a' nich'itsigilthat ts'a' gwik'injigwiighit eh'an, gaiiyich'igiltsajj. Gwinzii t'igiizhik ts'a' Vit'eegwijyahchy'aa deehee'yaa nyaq ajj gooveenjit t'iizhik. Lion vighit nihts'a' googoonjik. ³⁴Kwankyaa niint'aii gaa neegahkyaa, shrii choo haa goovehdaa tr'igwirehee'aa gaa gwats'an tr'ineegiidal. Goot'aii kwaa gaa goot'aii nint'aii goodlit. Niveet'agah'in zhit gwint'aii nich'itsigahthat, haa ch'adanh nahkat gwats'an niveet'ah'in najj gaiiyiigiltsajj. ³⁵Tr'injaa najj googwik'injigwiighit k'iighai' goolak yiinlii najj nigiiindhat gaa neegwigwiindaii ajj najj neegoonjik.

Ch'izhii dinjii najj zheegwaazhrajj cheegoorahahchyaa geenjit digwik'injigwiighit akhagagoonyaa kwaa, gaa gwandaii nizij gihee'yaa geenjit khaiinjich'agoogahthat haa nigiiinjik. ³⁶Goolat najj gooveegeedlaa ts'a' googahtrii, ts'a' ch'izhii najj chan ch'iitsii tly'ah haa dagoogilchaa ts'a' zheegwaazhrajj nagoogiinlii. ³⁷Kii haa googookit, teet'an gook'eech'igit'ii, shrii choo haa googeelkhwajj. Divii dhah akwat goat dhah nagaazhii haa zhat gwa'an neegihiidal, neeshreegaahchy'aa ts'a' khaiinjich'agoogahthat ts'a' gwiizuy datthak gooneegahhdak.

³⁸Dzaa nankat geenjit ɣyaa giinzii! Goodeek'it gwakwaa k'it nangwinjir ts'a' taih kat gwa'an gooneech'ahahchik, nanzhit gweedii ts'a' ch'a'an zhit chan gwigwich'ijj.

³⁹Jii dinjii gooveegarinkhii najj t'ee googwik'injigwiighit eh'an Vit'eegwijyahchy'aa shoo giłtsajj, googaa Vit'eegwijyahchy'aa jidii goovant'eehee'aa nyaq ajj tth'aii hee goonjii kwaa.

⁴⁰Vit'eegwijyahchy'aa jidii gwandaa nizij diineenjit gwii'ijj gaa datthak khaihtok nihɣaa nigijnjil t'eeq gwizhrjh gihoondal.

Vit'eegwijyahchy'aa Diiti' Nili

12 ¹Diikhwan ajj dinjii lejij gwik'injiighit najj diineelin nigeelzhii, ts'a' diik'eegahtii k'it t'igiinchy'aa. Ajj geh'an Jesus k'injireheeghit deegwii'in kwaii akhagwaroonya q ts'a' tr'agwaanduu t'igweheeyaa geenjit gwint'aii diinoontq' k'it t'inchy'aa ɣyaa nihleegalrahaajyaa tee gwa'an gwint'aii ts'a' khai'gwidlii haa gehdaa tr'ireheendal gwik'eegwarandaii k'it Vit'eegwijyahchy'aa deegoo'ya' diinoonya q gwik'it t'agoq'ya'.

²Jesus, diinindee haa gweedhaa datthak aakin tr'oo'i', gwik'injiriighit geh'an diineenjit tr'ookit nilii ts'a' ndaagwaan'ajj' gwats'a' datthak chan nilii. Cross eh'an akhagoonya q kwaa! Cross kat giriłtsak ajj gwa'oozhii ahłijj kwaa, veenjit shroonchy'aa goo'aii ajj geh'an, juk t'ee Vit'eegwijyahchy'aa gwihil'ee gwachoh kat doodii, ajj vishriits'ajj juk dhidii t'inchy'aa.

³Zhit juu tr'agwaanduu vigwitr'it gwanlii ts'a' juu yitr'ii'ee najj khaiinjich'igiiyahthat najj gooninjich'ohthat. Jyqhts'a' gwik'iighai' nakhwant'ee, nakhwat'aii gweheelyaa ts'a' akhagahohjyaa kwaa geenjit. ⁴Tr'agwaanduu t'akhwa'yaa gwits'i' gwint'aii nich'itsohthat gwizhit tth'aii hee gaa nakhwehdaa tr'agwagwa'aii kwaa.

⁵Nakhwat'aii gweheelyaa geenjit Vit'eegwijyahchy'aa nakhwats'a' ginkhii nik'ee ganoondaii?

“Shigii, nijin K'eegwaadhat jyaa ni'in kwaa nahnya q dajj'

ch'oodqohk'ijj

ts'a' geenjit natthajj' oozu shrq',

gwint'aii nats'a' ginkhii dajj'.

⁶Ajj geh'an K'eegwaadhat juu eet'indhan najj gwiizuu t'igii'in

ajj jyaa dakhwa'in kwaa ahnya q

ts'a' juu shigii oonya q najj chan gwiizuu t'akhwazhit ahnya q

ts'a' googwahshii.”

7Khainjich'akhwaghit aji nakhwati' nakhwagwahaaqshii k'it t'oonchy'aa ts'a' zhyaa gooh'in. Khainjich'akhwaghit t'ee Vit'eegwijyahchy'aa digii k'it nakhwaneehadk t'igwii'in. Tsyaa ch'ihlee gaa viti' yagwahshii kwaa gwanlii kwaa. 8Vit'eegwijyahchy'aa digii naji datthak agwahshii ajits'a' nakhwagwahshii kwaa ji' t'ee vigii qhlij kwaa ts'a' vats'an qhlij kwaa. 9Dzaa nankat diiti' naji diigwahshii dai' googaa nihk'it gaveenjirihil'ee, aji gwik'it deegwahtsii Diizheekat Diiti' aji vik'eegwarahahtat ts'a' gwandaii ndaanajaj' kwaa tr'ihel'ya geenjit! 10Dzaa nankat diiti' naji, ch'ihlee gwizhrh diigwagwahshii t'igii'in nats'ahts'a' gwinzii giindhan gwik'it. Gaa Vit'eegwijyahchy'aa aji diidiveegweheezyaa geenjit t'ii'in, shroodiinyaaj nilii aji gwik'it vaa shroodiinyaaj tr'ihel'ya geenjit. 11Diihaa shrigweheechy'aa kwaa geenjit diigwahshii k'it diineenjit t'oonchy'aa, shoo tr'inlii kwaa googaa yeendaa juu vigwiriilshii naji googwireelshii geh'an Vit'eegwijyahchy'aa k'eegwagwahthat ts'a' tsinehdan zhit gwagwandaii.

Deekhwa'ya ts'a' Idik'eehoontyaa

12Jyahts'a' dik'eeneehaandak, gwiindaii gwizhit nat'aii ookwaa shrq' gaa nigwik'iinjigwiighit zhit nat'aii gwahtsii. 13Jesus vataji gwinjik k'igwaa'ee goo'aii gwizhrh inkhaa, jyahts'a' gwik'iighai' nat'aii kwaa aji nizij neeheelyaa.

14Juu naji datthak haa tsinehdan hohlyaa ts'a' shroodiinyaaj zhit gohdaii gwik'eegohdaii, jyaa dakhwa'in kwaa ji' ch'ihlee gaa duuyeh K'eegwaadhat nah'in t'oonchy'aa. 15Vit'eegwijyahchy'aa vich'eegoonzhrii ts'an lihts'eedahoo'ee gwiits'j' adak'qontii. Nakhwatee dinjii ch'ihlee gwanzhjh tr'aakaii nahshii k'it t'inchy'aa ts'a' poison nilii k'it tr'igiinkhii zeh gwizhit ch'ik'eegwandaii ohli' shrq'! 16Deenaadaj' Esau deezhik gwik'it nakhwatee ch'ihlak gaa yeedhidii kwaa haa ohchi' shrq' ts'a' jidii Ch'anky'aa Shroodiinyaaj eenjit deehi'ee kwaa ooli' shrq'! Ch'oondee nilii gaa jidii shih ch'ihlok tr'ihel'aa viti' yant'eehahchyaa aji laraa t'ij gwant'eiin'aji. 17Ajjit'ee Vit'eegwijyahchy'aa yats'a' gwinzii t'ihel'ya geenjit Vit'eegwijyahchy'aa yakat noonjii yiindhan itree haa diti' oahkwat gaa deezhit aji ch'ijuk neegwahahtsyaa khyu' gwankeegwah'in geh'an viti' gwik'it t'iizhik kwaa.

18Israel gwich'in naji nijn nagaajil aiizhit nadhoojil kwaa, ddhah Sinai ts'an kwankyaa choo niin'ee ts'a' toq gwaazhraji

gweech'in gaa kwaa gwiizhit gwaanjak gwaahchy'aa, ts'á' ahtr'aii choo haa gwint'aii ahtr'aii. ¹⁹Trumpet vaach'ilik tr'ahtsii gwint'aii hahchik, ts'á' Vit'eegwijyahchy'aa videezhuh chan giitth'ak. Nijin dinjii naji gwideezhuh giitth'ak daj!, ch'oodigiikwat haa chan ginjik neerootth'ak giindhan kwaa ginyaq. ²⁰Jii jyaa dakhwa'in gwinyaq gwik'eegahohthat gwizhr̄h goo'aii aji goovandaa t'igwinyaq geh'an, “Dinjii akwat nin k'erahtii ddhah kat khadhizhii ji!, kii haa oohohkit ts'á' hohkhwaaw gwizhr̄h goo'aii.” ²¹Gehdaa kwaa gwagwaanjat jiintsii gwanlii gwaqah'in ts'áji Moses jii jyaa nyaq, “Gwint'aii daltrat ts'á' shizhit gaa najat choh dha'aii,” nyaq.

²²Gaa nakhwan aji Zion ddhah ts'á' zheekat gwizhit Jerusalem kwaiik'it gwachoo izhit Vit'eegwijyahchy'aa khit gwandaii nilii gwich'ij datthak ladhoojil aji zhit zheekat gwich'in thousands naji chan t'iginchy'aa. ²³Vit'eegwijyahchy'aa vigii k'it googoodlit naji haa ladhoojil t'akhwa'in. Izhit daj! Iyaa shroonchy'aa ts'á' goovoozhri! zhat zheekat gwizhit danakhwat'oo. Datthak ts'á' Vit'eegwijyahchy'aa vats'a' noojil ts'á' adan t'ee dzaa nankat dinjii naji oohaahkat geenjit nilii ts'á' dinjii nizii naji nats'aq goovanky'aa shroodiinyaq heelyaa goo'aii gwik'it t'inchy'aa gooviłtsaji. ²⁴Datthak ts'á' Jesus vats'a' khadhoojil, ts'á' Vit'eegwijyahchy'aa deeshi'yaa nyaq aji gwik'it t'iizhik aji t'ee Jesus k'iighai' k'eejit neegwiłtsaji, Cross kat giriłtsak ts'á' vadaa k'iighai', gwandaa gwinzii goodlit, aji Abel, voondee Cain yuukhwaji vadaa andaa gwinzii goodlit.

²⁵Gwak'qohhtii ts'á' Vit'eegwijyahchy'aa ginkhii oodqohk'ij gatr'oh'ee shrq! Zhit juu Moses k'iighai' Vit'eegwijyahchy'aa vagwaandak diitth'ak gitr'ii'ee t'ee googwarahshii gideegijyaa kwaa t'oonchy'aa. Zhit juu zheekat gwats'an ginkhii vits'i' neediriil'ee ji!, deegwiłtsal zhyaa diigwarahshii gideereheedaa.

²⁶Zhat daj! videezhuh nankat gwiltrat, gaa juk jyaa dihihjyaa nyaq, “Chan hee ch'ihlok gwagwaanchy'aa nankat, nan daatrat neehaltsyaa ts'á' zheekat goodlii datthak chan gwahaatrat.”

²⁷Ginjik “Chan hee ch'ihlok” gwagwahch'in aji jidii iłtsaji kwaii datthak gwaatrat haa gwihiljii nagwahaadhah, ts'á' t'ee jidii Zheekat gwizhit diltrat kwaa kwaii zhrih zhat heedlyaa.

²⁸Veegwinii'ee duuyeh gwik'it daatrat nihdeeriinjil geenjit mahsi' tr'oon'ya!. Mahsi' tr'iindhan haa Vit'eegwijyahchy'aa

shoo tr'ahahtsyaa geenjit vats'a' kharigidooyyaa ts'ą' deerahoh'e',
 29 Diivit'eegwijyahchy'aa t'ee łyaa kq' haa an gwahtsii k'it
 t'inchy'aa geh'an.

Nats'ahts'ą' Vit'eegwijyahchy'aa Shoo Tr'ahahtsyaa

13 1 Nakhwan gwik'injiighit nąjį khit ts'ą' nihlak qhłjį
 k'it tseenjyaa ch'eet'igwiniindhan nihleenjit akhwa'jį.
 2 Ch'eeshroonchy'aa haa aakin nąjį nakhwazheh nihdohchik ts'ą'
 gwinzii gook'qohtii, dinjii lat nąjį jyaa digiizhit akhai' zheekat
 gwich'in lat nąjį t'iginlik tee gaa gaagiindaii kwaa gwinyąą, ąjį
 zhit ganoondaii ts'ą' gwik'it t'akhwa'in. 3 Juu zheh gwaazhrajį
 dilk'ii nąjį goots'ahohjyaa ganoondaii, goovaa zheh gwaazhrajį
 dook'jį k'it t'ohchy'aa. Juu khaiinjich'iighit nąjį goots'ahohjyaa
 gaanoondaii, goovaa khaiinjich'akhwaghit k'it t'ohchy'aa.

4 Datthak ts'ą' nihleeraadii łyaa gwarahah'aa gwizhrjį, ts'ą'
 ch'akai', ch'a'at haa ch'izhii nąjį haa gahahchų kwaa goo'aii, juu
 ch'aadhichjį ts'ą' juu vakai' akwat va'at yinlii kwaa haa dhichjį
 nąjį t'ee Vit'eegwijyahchy'aa goohakat t'igiinchy'aa.

5 Vit'eegwijyahchy'aa jyaa nyaą,

“Duuyeh gwik'it ch'ihłok gaa akhanoihnyaą,
 ts'ą' duuyeh gwik'it zhyaa naat'in t'oonchy'aa,”

nyaą geh'an gohdaii datthak laraa eet'ihohkhyaa ąjį gwits'j'
 adak'qontii, ts'ą' jidii ni'jį kwaii datthak eenjit shoo inlii. 6 Jii
 geh'an tr'ahaąnjat kwaa goo'aii Dęhtly'aa Choh zhit Psalms kat
 jyaa digwinyąą,

“Haaljat kwaa,

K'leegwaadhat shits'inyaą geh'an.

Dinjii nąjį shats'ą' gwiizuų t'ii'in jį'
 gaa nihk'it duuyeh goovaaljat.”

7 Jews qhłjį nąjį, zhit juu gwehkjį kįh daak'i' nąjį,
 Vit'eegwijyahchy'aa vagwaandak nakhwats'ą' giginkhe'
 gaanoondaii. Nats'ahts'ą' gwigwiindaii ts'ą' nigindhat
 ąjį gininjich'ohthat ts'ą' googwik'injigwiighit k'it gohdaii.
 8 Jesus Christ t'ee k'ehdąj' drin, juk drin ts'ą' ndaagwąą'ąj'
 kwaa haa datthak nihk'it t'iichy'aa t'inchy'aa. 9 Nihłehjuk
 k'iil'an geech'agwąąhtan, haa gwinzii t'akhwa'in
 gihleenakhwagahohchyaa shrq'! Vit'eegwijyahchy'aa
 vich'eegoonzhrii ts'an t'aih qhjii ąjį gwinzii ts'ą' nats'ahts'ą'

shih tr'ihee'aa gwinyaꝯ aꝯi gwik'it nakwaa. Juu jii nats'aꝯ shih tr'ihee'aa gwinyaꝯ gwik'eegwahthat t'ee yits'inyaꝯ kwaa.

10 Niighit daꝯi juu ginkhii nilii naꝯi Jewish Diikhadigiriinjii Zheegwadhah zhit gwitr'it t'agwah'in gwiizhit Vit'eegwijyaꝯhchy'aa ts'a' shih dii-atainjii tr'ahtsii deek'it gwant'leetr'ahchak duuyeh ga'aa goo'aii. 11 Aꝯi Jewish ndak khii ginkhii choh aꝯi nin eekaii oondak ts'a' ch'andaa shroodiinyaꝯ dehk'it goo'aii gwizhit gwats'a' yahahkat ts'a' Israel naꝯi gootr'agwaanduu eenjit Vit'eegwijyaꝯhchy'aa ts'a' ataiinjii yahtsii, gaa nin nilii aꝯi gwigwich'iꝯi geh'at gwa'an hee giyahk'an. 12 Jii geh'an t'ee Jesus, kwaiik'it gwachoo geeghah gwa'an khaiinjich'ahoodhat ts'a' niindhat, jyahts'a' gwik'iighai' dinjii naꝯi tr'agwaanduu t'ii'in dadaa haa Shroodiinyaꝯ gavahahtsyaa geenjit t'iizhik. 13 Aꝯi geh'an, gwirich'iꝯi gwats'an vats'a' charoojyaa ts'a' vaa khaiinjich'iriighit k'it t'agoo'ya'. 14 Diikhwan gwik'injiighit naꝯi dzaa nankat kwaiik'it gwachoo khit geenjit gwireheechy'aa diineenjit goo'aii kwaa, kwaiik'it gwachoo diits'a' gwirehee'aa aꝯi keegwarah'in t'igwii'in. 15 Aꝯi ts'a', Jesus k'iighai' Vit'eegwijyaꝯhchy'aa khit videerahoh'ee, jii t'ee vats'a' ataiinjii tr'ahtsii k'it t'oonchy'aa, nijin Vit'eegwijyaꝯhchy'aa, Diik'eegwaadhat inlii varahnyaꝯ daꝯi'. 16 Nihlehts'ohnyaa haa nihts'a' gwinzii t'akhwa'in ganoondee shro', jyaa dakhwa'in daꝯi' Vit'eegwijyaꝯhchy'aa vats'a' ataiinjii ohtsii k'it t'oonchy'aa ts'a' shoo ohtsii t'inchy'aa.

17 Juu tr'igiinkhii zheh gwizhit kih dilk'ii naꝯi deenakhwagahnyaꝯ gook'eegohthat. Neegaazhii kwaa haa nakhwazhin k'eeaghtii, nats'ahts'a' gwitr'it t'agwagwah'in aꝯi Vit'eegwijyaꝯhchy'aa haa gwagwahaandak goo'aii geh'an. Gook'eegohthat ji', shoh haa digwigwitr'it gwinzii t'agwagwahah'yaa; gook'eegohthat kwaa ji', tr'igwigwidii haa t'igihee'yaa ts'a' duuyeh gwinzii nakhwats'iginyaꝯ.

18 Khit ts'a' nihk'it diineenjit khagadohjii. Diigwitr'it khit ts'a' gweheezyaa gwizhrh gininjich'arahthat geh'an diigwandaii gwinzii diihaa dha'aii gaagwiindaii. 19 Jii nakhwats'eehihdyya geenjit nakhwadrii datthak haa Vit'eegwijyaꝯhchy'aa vats'a' khadagohjii.

Khaiinkoo Khadigeedi'

20-21 Vit'eegwijyaꝯhchy'aa t'ee K'eegwaadhat Jesus, ch'ichij' ts'an nineeyiikhin, dadaa eh'an divii k'ahtii jiintsii dhidlit. Aꝯi

gwik'iighai' deeshi'yaa nyaꝯ gwik'it t'iizhik khit geenjit langwiłdzii. Vit'eegwijyahchy'aa vats'an tsinehdan gwanlii jidii nizij datthak nakhwats'an ooli', jyꝯts'ꝯ' gwik'iighai' deekhwa'yaa nakhwahnyaꝯ gwik'it t'akhwa'yaa geenjit. Aꝯts'ꝯ' Christ khit ts'ꝯ' khit geenjit ch'eegwꝯhndit vats'an ooli'! Amen!

It'ee Jii Zhrih T'ihihyaa

²² Jii dehtly'aa nakhwats'ꝯ' dihtl'oo lyaa nahgwan gaa, shijyaa naꝯ gwinzii khai'gwidlii ch'oodꝯqhk'iꝯ' nakhwaihnyaꝯ t'ihnyaꝯ, jii ginjik k'iighai' t'aih akhwa'yaa geenjit gwinzii shoodꝯqhk'iꝯ'.

²³ Diichaa Timothy zhee gwaazhraꝯ gwats'an chineezhii aꝯ gaakhwandaii geenjit nakhwaagwahaldak t'ihnyaꝯ. Dzaa khants'ꝯ' gwats'ꝯ' haazhii ji', nakhwaha'yaa nagwaanꝯ ji' shaa heekhaa t'inchy'aa.

²⁴ Dzaa Italy nahkat gwik'injiighit naꝯ nakhwadiveegoozꝯ' nakhwagahnyaꝯ. Juu nakhwat'igiinkhii zeh kih dilk'ii naꝯ ts'ꝯ' Vit'eegwijyahchy'aa vigii naꝯ datthak diineenjit nakhwadiveegoozꝯ' gavoohnyaꝯ.

²⁵ Vit'eegwijyahchy'aa vich'eegoonzhrii datthak nakhwaa ooli'!